

四庫全書薈要

• 乾隆御覽本

史部

欽定四庫全書薈要

史部

資治通鑑卷八十八

九



詳校官編修臣汪鏞

資治通鑑卷八十八

宋司馬光撰

胡三省音註

紀十

起玄默泥灘盡昭陽作垂凡二年

孝懷皇帝下

永嘉六年春正月漢呼延后卒諡曰武元 漢鎮北將

軍靳冲平北將軍卜珣寇并州

靳居焮翻姓也珣况羽翻

辛未圍晉

陽 甲戌漢主聰以司空王育尚書令任顗女為左右

昭儀

任音士類  
魚宜翻

中軍大將軍王彰中書監范隆左僕射

馬景女皆為夫人右僕射朱紀女為貴妃皆金印紫綬

綬音受

聰將納太保劉殷女太弟義固諫聰以問太宰延

年太傅景皆曰太保自云劉康公之後與陛下殊源

劉康

公周之卿士食采於劉其後因以為氏劉聰納之何害  
勾奴之後以漢之甥冒姓劉氏故云殊源

聰悅拜殷二女英娥為左右貴嬪位在昭儀上

嬪毗又  
賓翻

納殷女孫四人皆為貴人位次貴妃於是六劉之寵傾

後宮聰希復出外

復扶  
又翻

事皆中黃門奏決

故新野王

歆牙門將胡亢聚衆於竟陵

立音剛

自號楚公寇掠荆土

以歆南蠻司馬新野杜曾為竟陵太守曾勇冠三軍能

被甲游於水中

為曾亂荊州張本冠古玩翻被皮義翻

二月壬子朔日

有食之

石勒築壘於葛陂

皇覽曰汝南郡陂陽縣有葛陂賢曰葛陂在今豫州

新蔡縣西北

課農造舟將攻建業琅邪王睿大集江南之衆

於壽春以鎮東長史紀瞻為揚威將軍都督諸軍以討

之

睿為鎮東大將軍署瞻長史

會大雨三月不止勒軍中飢疫死者

大半聞晉軍將至集將佐議之右長史刁廩請先送款

於睿求掃平河朔以自贖俟其軍退徐更圖之勒愀然

長嘯

愀子小翻

中堅將軍夔安請就高避水

中堅將軍蓋石勒所置姓譜夔

姓春秋夔

子之後

勒曰將軍何怯邪孔萇等三十餘將請各將

兵分道夜攻壽春斬吳將頭據其城食其粟要以今年

破丹陽定江南勒笑曰是勇將之計也

言其不逆計勝敗但勇於赴敵

耳將即亮翻

各賜鎧馬一疋

鎧可亥翻疋僻吉翻

顧謂張賓曰於君意

何如賓曰將軍攻陷京師囚執天子殺害王公妻略妃

主擢將軍之髮不足以數將軍之罪

擢拔也拔其髮以數其罪猶不足言

其罪多也  
數所具翻

奈何復相臣奉乎

復扶又翻

去年既殺王彌不當

來此今天降霖雨於數百里中示將軍不應留此也鄴

有三臺之固

水經註鄴城西北有三臺皆因城為之基漢建安十五年魏武所起中曰銅臺高十

丈其後石虎更增二丈南則金雀臺高八丈北則承井臺亦高八丈

西接平陽

謂近漢都可以壯聲

援

山河四塞宜北徙據之以經營河北河北既定天下

無處將軍之右者矣

處昌呂翻

晉之保壽春畏將軍往攻之

耳彼聞吾去喜於自全何暇追襲吾後為吾不利邪

自古

國於東南率多為自保之計亦自量其力之不足以進也賓料之審矣

將軍宜使輜重從

北道先發將軍引大兵向壽春輜重既遠

重直用翻

大兵徐

還何憂進退無地乎勒攘袂鼓髯曰張君計是也責刁

膺曰君既相輔佐當共成大功奈何遽勸孤降

降戶江翻此

策應斬然素知君怯特相宥耳於是黜膺為將軍擢賓

為右長史號曰右侯勒引兵發葛陂遣石虎帥騎二千

向壽春

帥讀曰率騎奇寄翻

遇晉運船虎將士爭取之為紀瞻所

敗

敗補邁翻

瞻追奔百里前及勒軍勒結陳待之

陳讀日陣

瞻不

敢擊退還壽春

漢主聰封帝為會稽郡公

會工外翻加儀



同三司聽從容謂帝曰卿昔為豫章王朕與王武子造

卿武子稱朕於卿

從于容翻王濟字武子造七到翻

卿言聞其名久矣

贈朕柘弓銀研

研與硯同

卿頗記否帝曰臣安敢忘之但恨

爾日不早識龍顏聽曰卿家骨肉何相殘如此帝曰大

漢將應天受命故為陛下自相驅除

為于偽翻

此殆天意非

人事也且臣家若能奉武皇帝之業九族敦睦陛下何

由得之聰喜以小劉貴人妻帝

妻七細翻

曰此名公之孫也

卿善遇之代公猗盧遣兵救晉陽三月乙未漢兵敗

走卜珣之卒先奔斬冲擅收珣斬之聰大怒遣使持節

斬冲

使疏吏翻

聰納其舅子輔漢將軍張寔二女徽光麗

光為貴人

此別一張寔非河西張軌之子

太后張氏之意也

張氏淵之側室生聰

尊為太后

涼州主簿馬鮪說張軌

鮪符方翻說輸芮翻

宜命將出師

翼戴帝室軌從之馳檄關中共尊輔秦王且言今遣前

鋒督護宋配帥步騎二萬徑趨長安

帥讀曰率趙七喻翻

西中郎

將寔帥中軍三萬武威太守張璠帥胡騎二萬絡繹繼

發

璠它典翻絡繹相繼不絕之意

夏四月丙寅征南將軍山簡卒

漢主聰封其子敷為渤海王驥為濟南王鸞為燕王鴻

為楚王勣為齊王

勣音邁

權為秦王操為魏王持為趙王

聰以魚蟹不供斬左都水使者襄陵王攄

襄陵縣漢屬河東郡

晉屬平陽郡觀後所謂並斬王公則攄亦劉氏也攄抽居類

作溫明徽光二殿未成

斬將作大匠望都公靳陵觀漁於汾水昏夜不歸中軍

大將軍王彰諫曰比觀陛下所為臣實痛心疾首

比毗至翻

今愚民歸漢之志未專思晉之心猶盛劉琨咫尺刺客

縱橫

謂平陽去晉陽不遠也縱子容翻

帝王輕出一夫敵耳願陛下改

往修來則億兆幸甚聰大怒命斬之王夫人叩頭乞哀

乃囚之

王夫人  
彭女也

太后張氏以聰刑罰過差三日不食太

弟義單于粲輿觀切諫聰怒曰吾豈桀紂而汝輩生來

哭人太宰延年太保殷等公卿列侯百餘人皆免冠涕

泣曰陛下功高德厚曠世少比

少詩  
沼翻

往也唐虞今則陛下

而頃來以小小不供亟斬王公直言忤旨遽囚大將王

謂劉據  
斬陵大將謂王  
彭王欺冀翻忤五故翻

此臣等竊所未解

解戶買  
翻曉也

故相

與憂之忘寢與食聰慨然曰朕昨大醉非其本心微公

等言之朕不聞過各賜帛百匹使侍中持節赦彰曰先帝賴君如左右手君著勲再世朕敢忘之此段之過希君蕩然君能盡懷憂國朕所望也今進君驃騎將軍定

襄郡公

驃匹  
妙翻

後有不逮幸數匡之

數所  
角翻

王彌既死

事見

上卷  
上年

漢安北將軍趙固平北將軍王桑恐為石勒所并

欲引兵歸平陽軍中乏糧士卒相食乃自破礲津西渡

破丘交翻  
礲牛交翻

劉琨以兄子演為魏郡太守鎮鄴桑恐演邀

之遣長史臨深為質於琨

姓譜臨姓大臨  
之後質音致

琨以固為雍

州刺史

雍於用翻下同

桑為豫州刺史

賈疋等圍長安數月

漢中山王曜連戰皆敗驅掠士女八萬餘口降于平陽

秦王業自雍入于長安

雍於用翻

五月漢主聰貶曜為龍驤

太將軍行大司馬

驤思將翻

聰使河內王粲攻傅祗於三渚

據祗傳祗屯盟津小城盟津河平侯祠有二渚又有洵渚故亦曰三渚

右將軍劉參攻郭

默於懷會祗病薨城陷粲遷祗子孫并其士民二萬餘

戶于平陽 六月漢主聰欲立貴嬪劉英為皇后張太

后欲立貴人張微光聰不得已許之英尋卒 漢大昌

文獻公劉殷卒

宋白曰隰州隰川縣漢蒲子縣劉淵惜亂置大昌郡

殷為相不犯

顏忤旨

忤五故翻

然因事進規補益甚多漢主聰每與羣臣

議政事殷無所是非羣臣出殷獨留為聰敷暢條理商

榷事宜

商度也榷者舉其略也為于偽翻榷古岳翻

聰未嘗不從之殷常戒

子孫曰事君當務幾諫凡人尚不可面斥其過況萬乘

乎夫幾諫之功無異犯顏但不彰君之過所以為優耳

幾諫者見微而諫也侯希聖曰事君有顯諫者有幾諫者然而溫柔忠厚者其說多行計直強勁者其說多忤

夫是以貴幾諫也幾居希翻乘絕證翻

官至侍中太保錄尚書賜劔履上

殿入朝不趨乘輿入殿然殷在公卿間常恂恂有卑讓之色故能處驕暴之國保其富貴不失令名以壽考自

終

處昌  
呂翻

漢主聰以河間王易為車騎將軍彭城王翼

為衛將軍並典兵宿衛高平王悝為征南將軍鎮離石

悝苦回翻濟南王驥為征西將軍築西平城以居之

西平城  
當築於

平陽西濟  
子禮翻

魏王操為征東將軍鎮蒲子趙固王桑自

懷求迎於漢漢主聰遣鎮遠將軍梁伏疵將兵迎之未至長史臨深將軍牟穆帥眾一萬叛歸劉演固隨疵而



西疵疾移翻帥桑引其衆東奔青州固遣兵追殺之於

曲梁曲梁縣屬廣平郡曹魏置廣平郡始曲梁城劉勰曰唐洺州永年縣漢曲梁縣地也桑將張

鳳帥其餘衆歸演聰以固為荊州刺史領河南太守鎮

洛陽石勒自葛陂北行所過皆堅壁清野虜掠無所

獲軍中飢甚士卒相食至東燕據水經東燕城在酸棗縣東河水自酸棗東北

過延津又逕東燕縣故城北余攷兩漢志東郡有燕縣無東燕縣其即是歟魏收地形志東燕縣晉屬濮陽國

賢曰東燕故城今滑聞汲郡向冰聚衆數千壁枋頭水經

淇水至黎陽入河在遮害亭西十八里漢建安九年魏武於水口下大枋木以成堰遏淇水東入白溝以通漕

運故時人號其處曰枋頭杜佑曰枋頭在今汲郡衛縣界宋白曰枋頭城在今衛縣南去河八里向式亮翻姓

也枋音方勒將濟河恐冰邀之張賓曰聞冰船盡在瀆中未

上未上者未上岸船不用則推之登陸使遠水而燥他日輕便於駕用上時掌翻宜遣輕兵間

道襲取以濟大軍問古覓翻大軍既濟冰必可擒也秋七月

勒使支雄孔萇自文石津縛筏潛渡取其船勒引兵自

棘津濟河水經河水逕東燕縣故城北河水於是棘津之名擊冰大破之盡得

其資儲軍執復振遂長驅至鄴劉演保三臺以自固臨

深牟穆等復帥其衆降於勒復扶又翻帥讀曰率並下同降戶江翻下同諸

將欲攻三臺張賓曰演雖弱衆猶數千三臺險固攻之

未易猝拔

易以鼓翻

捨而去之彼將自潰方今王彭祖劉越

石公之大敵也

王浚字彭祖劉琨字越石

宜先取之演不足顧也且

天下饑亂明公雖擁大兵遊行羈旅人無定志非所以

保萬全制四方也不若擇便地而據之廣聚糧儲西稟

平陽以圖幽并

幽王浚并劉琨

此霸王之業也邯鄲襄國形勝

之地

邯鄲縣漢屬趙國晉屬廣平襄國縣秦為信都項羽改曰襄國漢屬趙國晉屬廣平而信都別為縣

前漢屬信都國後漢屬安平國邯鄲音寒丹宋白曰隋改襄國為龍岡縣唐為邢州所治也

請擇一

而都之勒曰右侯之計是也遂進據襄國賓復言於勒

曰今吾居此彭祖起石所深忌也恐城塹未固資儲未

廣二寇交至

塹七  
鮑翻

宜亟收野穀且遣使至平陽具陳鎮

此之意

使疏吏  
翻下同

勒從之分命諸將攻冀州郡縣壁壘多

降運其穀以輸襄國且表於漢主聰聰以勒為都督冀

幽并營四州諸軍事

營州不在晉太康地志十九州之  
數晉地理志咸寧二年分昌黎遼

東玄菟帶方樂浪等郡國五置平州至莫熙據和龍  
始於宿軍置營州以刺史鎮之拓拔魏置營州於和龍

勒時未有營州也郡國志營  
州地當營室分故曰營州

冀州牧進封上黨公 劉

琨移檄州郡期以十月會平陽擊漢琨素奢豪喜聲色

喜許河南徐潤以音律得幸於琨琨以為晉陽令潤驕

記翻

恣干預政事護軍令狐盛數以為言

令狐之令力丁  
翻數所角翻

且

勸琨殺之琨不從潤譖盛於琨琨收盛殺之琨母曰汝

不能駕御豪傑以恢遠略而專除勝己禍必及我盛子

泥奔漢具言虛實漢主聰大喜遣河內王粲中山王曜

將兵寇并州以令狐泥為鄉導

鄉讀  
日驚

琨聞之東出收兵

於常山及中山使其將郝詵張喬將兵拒粲

郝呼  
各翻

且遣

使求救於代公猗盧詵喬俱敗死粲曜乘虛襲晉陽太

原太守高喬并州別駕郝聿以晉陽降漢

考異曰劉琨傳曰屬龐

醇降于聰鴈門烏丸復反琨親出禦之粲乘虛襲取晉陽按琨上太子牋曰聰以七月十六日復決計送死臣即自東下率中山常山之卒並合樂平上黨諸軍未旋之間而晉陽傾潰十六國春秋亦云琨收兵常山本傳也誤八月庚戌琨還救晉陽不及帥左右數十騎奔常山

辛亥粲曜入晉陽壬子令孤泥殺琨父母粲曜送尚書

盧志侍中許遐太子右衛率崔瑋于平陽聰復以曜為車騎大將軍以前將軍劉豐為并州刺史鎮晉陽九月

聽以盧志為太弟太師崔瑋為太傅謝遐為太保高喬  
令狐泥皆為武衛將軍 己卯漢衛尉梁芬奔長安

辛巳賈疋等奉秦王業為皇太子

考異曰懷帝紀云賈疋討劉粲於三輔

走之關中小定奉秦王為太子按賈疋等以永嘉五年  
攻劉粲于新豐粲敗還平陽奉秦王入雍城六年三月  
劉曜奔長安走秦王入長安漢兵皆已退建行臺於長

安祭壇告類

告類或攝或即位祭天之禮舜之攝也肆  
類于上帝孔安國注曰類謂攝位事類遂

以攝告天及五帝湯黜夏命  
昭告于上天神后皆其事也

建宗廟社稷大赦以閭鼎

為太子詹事總攝百揆

太子詹事統攝宮僚時太子建  
行臺故以詹事總百揆時位號

未正其實丞加賈疋征西大將軍以秦州刺史南陽王相之職也

保為大司馬命司空荀藩督攝遠近光祿大夫荀組領

司隸校尉行豫州刺史與藩共保開封

開封縣漢屬河南郡晉屬滎陽

郡

秦州刺史裴苞據險以拒涼州兵張寔宋配等擊

破之苞奔柔凶隲冬十月漢主聰封其子恒為代王

恒戶登翻逞為吳王朗為潁川王皐為零陵王旭為丹陽王

京為蜀王坦為九江王晃為臨川王以王育為太保王

彰為太尉任顗為司徒

顗魚豈翻

馬景為司空朱紀為尚書



令范隆為左僕射呼延晏為右僕射代公猗盧遣其

子六修及兄子普根將軍衛雄范班箕澹帥眾數萬為

前鋒以攻晉陽

澹徒覽翻又徒濫翻春秋云遣其子利孫宥六須載記云宥

考異曰十六國

六須劉琨集云左右賢王又云右賢王撲速根本從後魏書考異又曰箕澹十六國春秋後魏書作姬澹今

從劉琨傳

猗盧自帥眾二十萬繼之劉琨收散卒數千為之

鄉導

鄉讀曰鴛

六修與漢中山王曜戰於汾東曜兵敗墜馬

中七創

中竹仲翻初良翻下同

討虜將軍傅虎以馬授曜曜不受

曰卿當乘以自免吾創已重自分死此

分扶問翻

虎泣曰虎

蒙大王識拔至此常思效命今其時矣且漢室初基天下可無虎不可無大王也乃扶曜上馬驅令渡汾自

還戰死曜入晉陽夜與大將軍梁鎮北大將軍豐掠晉

陽之民踰蒙山而歸

五代志太原郡石艾縣有蒙山魏收曰石艾縣即漢晉之上艾縣也

晉志上艾縣屬樂平郡又據五代志晉陽縣有蒙山此蓋蒙山跨晉陽石艾二縣界也

十一月猗

盧追之戰於藍谷

藍谷在蒙山西南

漢兵大敗擒劉豐斬邢延

等三千餘級

邢延叛琨見上卷五年

伏尸數百里猗盧因大獵壽

陽山

壽陽山在樂平壽陽縣魏收地形志作壽陽縣此縣蓋晉置也宋白曰壽陽縣本漢榆次縣地晉置

壽陽縣

陳閔皮肉山為之赤劉琨自營門步入拜謝固請

進軍猗盧曰吾不早來致卿父母見害誠以相愧今卿

已復州境吾遠來士馬疲弊且待後舉劉聰未可滅也

遺琨馬牛羊各千餘疋車百乘而還

遺于季翻乘絕證翻

留其將

箕澹段繁等戍晉陽琨徙居陽曲

陽曲縣屬太原郡在晉陽北

招集

亡散盧諶為劉粲參軍亡歸琨

諶時

壬翻漢人殺其父志考

異曰劉聰載記志勸太弟又作亂被誅按志勸成都王穎起義兵諫穎攻長沙王又忠義敦篤始終不虧非勸

又作亂者也今從盧諶傳

及弟謚詵贈傅虎幽州刺史

十二月漢

主聰立皇后張氏以其父寔為左光祿大夫 彭仲蕩

之子天護帥羣胡攻賈疋天護陽不勝而走疋追之夜

墜澗中天護執而殺之

疋音雅疋殺彭蕩仲事見上卷五年考異曰帝紀曰疋討賊張

連遇害疋傳天護攻之疋敗漢以天護為涼州刺史衆

走墜澗死今從十六國春秋推始平太守麴允領雍州刺史閭昂與京兆太守梁綜

爭權昂遂殺綜麴允與撫夷護軍索綝馮翊太守梁肅

合兵攻鼎鼎出犇雍為氐寔首所殺

石勒方強賈閭麴索降心相從協力

以輔晉室猶懼不能全況自相屠乎  
長安之敗微見於此矣雍於周翻

廣平游綸張豺

擁衆數萬據苑鄉

姓譖游廣平望姓鄭公子偃字子游其後以為氏魏收志廣平郡任縣有

苑鄉城宋白曰任縣後漢南縣地後趙石氏於此置苑鄉縣唐為任縣屬邢州

受王浚假署

假署者承制權宜而補署假以職名

石勒遣夢安支雄等七將攻之破其

外壘浚遣督護王昌帥諸軍及遼西公段疾陸眷

考異曰石

勒載記及後魏書作就陸眷今從王浚傳

疾陸眷弟匹碑文鴛從弟末杯

碑丁

奚翻從才用翻魏書作未破今從

王浚傳

部衆五萬攻勒於襄國疾

陸眷屯于渚陽

班固地理志禹貢絳水在信都入海水經註絳漬北逕信都城東散入澤渚西

至信都城東連于廣川縣張甲故渚同歸于海疾陸眷蓋屯是渚之陽也

勒遣諸將出戰皆

為疾陸眷所敗

敗補  
通翻

陸眷大造攻具將攻城勒衆甚懼

勒召將佐謀之曰今城塹未固糧儲不多彼衆我寡外無

救援吾欲悉衆與之決戰何如諸將皆曰不如堅守以

疲敵待其退而擊之張賓孔萇曰鮮卑之種種章  
勇翻段氏

最為勇悍

悍下罕翻  
又疾肝翻

而末桎尤甚其銳卒皆在末桎所

今聞疾陸眷刻日攻北城其大衆遠來戰鬪連日謂我

孤弱不敢出戰意必懈惰

懈古  
隘翻

宜且勿出示之以怯鑿

北城為突門二十餘道

墨子備突篇曰城百步一突門  
突門用車兩輪以木束之塗其

上維置突門內度門廣狹之令人入門四尺中置室突門旁為橐充竈狀又置艾冠即入下輪而塞之鼓橐薰之也杜佑曰突門鑿城內為閣門多少臨事令五六寸勿穿或於中夜於敵初來營列未定精騎從突門躍出擊其無備俟其來至列守未定出其不意直衝末柵帳襲其不意

彼必震駭不暇為計破之必矣末柵敗則其餘不攻而潰矣勒從之密為突門既而疾陸眷攻北城勒登城望之見其將士或釋仗而寢乃命孔萇督銳卒自突門出擊之見其釋仗而寢知其懈也乃城上鼓譟以助其勢萇命萇出戰所謂見兵孰者也攻末柵帳不能克而退末柵逐之入其壘門為勒眾所

獲疾陸眷等軍皆退走甚乘勝追擊枕尸三十餘里

枕職

任翻獲鎧馬五千匹

鎧可亥翻

疾陸眷收其餘衆還屯渚陽勒

質末桎

質音致下同

遣使求和於疾陸眷

使疏吏翻

疾陸眷許之

文鴛諫曰今以末桎一人之故而縱垂亡之敵得無為

王彭祖所怨招後患乎疾陸眷不從復以鎧馬金銀賂

勒

復扶又翻下同

且以末桎三弟為質而請末桎諸將皆勸勒

殺末桎勒曰遼西鮮卑健國也與我素無仇讐為王浚

所使耳今殺一人而結一國之怨非計也歸之必深德



我不復為浚用矣乃厚以金帛報之遣石虎與疾陸眷  
盟于渚陽結為兄弟疾陸眷引歸王昌不能獨留亦引  
兵還薊勒召末柸與之燕飲誓為父子遣還遼西末柸  
在塗日南嚮而拜者三由是段氏專心附勒王浚之勢

遂衰

孫武所謂親而離之此其近之矣然段氏專心  
附勒者末柸也若匹碑文為則終身與勒抗游

綸張豺請降於勒

降戶  
江翻

勒攻信都殺冀州刺史王象浚

復以邵舉行冀州刺史保信都 是歲大疫 王澄少

與兄衍名冠海內

少詩  
冠古  
玩翻

劉琨謂澄曰卿形雖散朗

而內實動使

言其心輕易動又豪俠自喜也

以此處世

處昌呂翻

難得其死

及在荊州悅成都內史王機謂為已亞使之內綜心膂

綜機縷也所以持經而施緯使不失其條理者也故謂能統理衆事者為綜理

外為爪牙澄屢

為杜弢所敗

弢土刀翻敗補邁翻

望實俱損猶傲然自得無憂懼

之意但與機日夜縱酒博奕由是上下離心南平太守

應詹屢諫不聽澄自出軍擊杜弢軍于作塘

作塘縣後漢屬武陵

郡晉屬南平郡五代志澧陽郡屏陵縣舊曰作塘

故山簡參軍王冲擁衆迎應

詹為刺史詹以冲無賴棄之還南平

南平郡治江安

冲乃自稱

刺史澄懼使其將杜蕤守江陵徙治孱陵

孱陵縣漢屬武陵郡晉屬

南平郡應劭曰孱音踐師古音士連

尋又犇沓中

此沓中非

姜維種麥之沓中蓋在孱陵之東

別駕郭舒諫曰使君臨州雖無異政

然一州人心所繫今西收華容之兵足以擒此小醜

華容

縣屬南郡

奈何自棄遽為奔亡乎澄不從欲將舒東下舒曰

舒為萬里紀綱

舒為州別駕故自謂萬里紀綱

不能匡正令使君犇亡

誠不忍渡江乃留屯沌口

水經註沌水南通沔陽縣之太白湖湖水東南通江謂之

沌口沌持袞翻琅邪王睿聞之召澄為軍諮祭酒以軍諮祭酒

周顗代之澄乃赴名顗始至州

顗魚里翻

建平流民傳密等

叛迎杜弢弢別將王真襲沔陽

沔陽梁武帝時方置郡據沈約志陶侃為荊州

刺史初治沔縣則是時已有沔陽城矣當屬竟陵郡界宋白曰復州沔陽縣漢縣也郡國志曰沔陽縣即楚王

城顗狼狽失據征討都督王敦遣武昌太守陶侃尋陽

太守周訪歷陽內史甘卓

懷帝永嘉五年睿加敦都督征討諸軍事惠帝永興元年

分淮南之烏江歷陽二縣置歷陽郡

共擊弢敦進屯豫章為諸軍繼援考

異曰王澄傳曰時王敦為江州鎮豫章按敦時為楊州刺史都督征討諸軍非為江州也王澄過詣

敦自以名聲素出敦右猶以舊意侮敦敦怒誣其與杜

殺通信遣壯士搃殺之

搃乙革翻

王機聞澄死懼禍以其父

毅兄矩皆嘗為廣州刺史就敦求廣州敦不許會廣州

將溫邵等叛刺史郭訥迎機為刺史機遂將奴客門生

千餘人入廣州

考異曰王澄死周顗敗王敦鎮豫章機入廣州紀傳皆無年月按謝玠傳玠

依敦於豫章以永嘉六年卒故附於此

訥遣兵拒之將士皆機父兄時部

曲

王機父毅為廣州刺史甚得南越之情

不戰迎降

降戶江翻下同

訥乃避位以

州授之王如軍中飢乏官軍討之其黨多降如計窮

遂降於王敦

考異曰如降亦無年月明年有如餘黨入漢中故附此

鎮東軍司

顧榮前太子洗馬衛玠皆卒

洗 悉 薦 翻

玠瑾之孫也美風神

善清談常以為人有不及可以情恕非意相干可以理

遣故終身不見喜愠之色

見 賢 遍 翻

江陽太守張啓

江 陽 縣 漢

屬 犍 為 郡 劉 蜀 分 置 江 陽 郡 隋 併 入 陵 州 隆 山 縣 唐 為 眉 州 彭 山 縣

殺益州刺史王異而

代之

異 行 三 府 事 見 上 卷 五 年

啓翼之孫也尋病卒三府文武共表

涪陵太守向沈行西夷校尉南保涪陵

沈 持 林 翻 涪 音 浮

南

安赤亭羌姚弋仲東徙榆眉

水 經 註 漢 靈 帝 分 獫 狁 道 為 南 安 郡 赤 亭 水 出 郡 之 東

山 赤 谷 西 流 還 城 北 南 入 渭 水 謂 之 赤 亭 川 榆 眉 即 漢 扶 風 之 隃 麋 縣 晉 省 宋 白 曰 隴 州 汧 源 縣 東 有 隃 麋 澤

有古城吳山縣  
亦漢榆麋縣地

戎夏襁負隨之者數萬自稱護羌校尉

雍州刺史扶風公

夏戶雅翻  
雍於用翻

孝愍皇帝上

諱鄒字彥旗武帝孫吳孝王晏之子  
也出繼伯父秦王東後襲封秦王謚

漚禍亂方作曰愍

在國遭憂曰愍

建興元年

是年夏四月  
方改元建興

春正月丁丑朔漢主聰宴羣臣

於光極殿使懷帝著青衣行酒

著陟  
略翻

庾珉王雋等不勝

悲憤因號哭聰惡之

勝音升號戶刀  
翻惡鳥路翻

有告珉等謀以平

陽應劉琨者二月丁未聰殺珉雋等故晉臣十餘人

永嘉

三年珉雋與懷帝亦遇害

年三十

大赦復以會稽劉夫人

為貴人

永嘉六年聰以夫人妻帝聰封帝為會稽公故曰會稽劉夫人會工外翻

荀崧曰懷帝天資清劭

劭高也

少著英猷

少詩照翻

若遇承

平足為守文佳主而繼惠帝擾亂之後東海專政故

無幽厲之釁而有流亡之禍矣

乙亥漢太后張氏卒謚曰光獻張后不勝哀丁丑亦卒

謚曰武孝

張后張太后之姪女勝音升

己卯漢定襄忠穆公王彰

卒三月漢主聰立貴嬪劉娥為皇后為之起鷄儀殿



雄曰鳳雌曰鸞書曰鳳凰來儀為于偽翻下更為下為同

廷尉陳元達切諫以為天

生民而樹之君使司牧之非以兆民之命窮一人之欲

也晉氏失德大漢受之蒼生引領庶幾息肩是以光文

皇帝

劉淵謚光文  
幾居希翻

身衣大布居無重茵

衣於既翻下  
同重直龍翻

后

妃不衣錦綺乘輿馬不食粟愛民故也

乘絕  
翻

陛下踐阼

以來已作殿觀四十餘所加之軍旅數興

觀古玩翻  
數所角翻

餽

運不息饑饉疾疫死亡相繼而益思營繕宜為民父母

之意乎今有晉遺類西據關中南擅江表李雄奄有巴

蜀王浚劉琨窺窬肘腋石勒曹嶷貢稟漸踈

嶷魚力翻貢謂貢獻

稟謂稟承詔命

陛下釋此不憂乃更為中宮作殿豈目前之所

急乎

偽翻

昔太宗居治安之世粟帛流行猶愛百金之

費免露臺之後

事見十五卷漢文帝後七年治直史翻

陛下承荒亂之餘

所有之地不過太宗之二郡

時聰所有之地漢河東西二郡耳

戰守之

備非特匈奴南越而已

漢文帝時惟備匈奴南越

而宮室之侈乃至

於此臣所以不敢不冒死而言也聰大怒曰朕為天子

營一殿何關汝鼠子乎乃敢妄言沮衆

沮在不殺此鼠

呂翻

子朕殿不成命左右曳出斬之并其妻子同梟首東市

梟豎使羣鼠共穴時聰在逍遙園李中堂元達先鎖腰

而入即以鎖鎖堂下樹呼曰臣所言者社稷之計而陛

下殺臣朱雲有言臣得與龍逢比干遊足矣

朱雲事見三十二卷

漢成帝元延元年呼左右曳之不能動大司徒任顗

任音

顗魚光祿大夫朱紀范隆驃騎大將軍河間王易等

叩頭出血曰元達為先帝所知受命之初即引置門下

見八十五卷忠盡忠竭慮知無不言臣等竊祿偷安每

見之未嘗不發愧今所言雖狂直願陛下容之因諫諍

而斬列卿其如後世何聰默然劉后聞之密敕左右停

刑手䟽上言今宮室已備無煩更營四海未壹宜愛民

力廷尉之言社稷之福也陛下宜加封賞而更誅之四

海謂陛下何如哉夫忠臣進諫者固不顧其身也而人

主拒諫者亦不顧其身也陛下為妾營殿而殺諫臣使

忠良結舌者由妾遠近怨怒者由妾公私困弊者由妾

社稷貼危者由妾

為于偽翻貼服虔音反貼之貼益康音屋檐之檐如淳曰貼近邊知墮意

天下之罪皆萃於妾妾何以當之妾觀自古敗國喪家

敗補邁翻  
喪息浪翻

未始不由婦人心常疾之不意今日身自為

之使後世視妾由妾之視昔人也

由與猶通洪氏隸釋曰古字多以由通為

猶字樊毅修華藏碑由復夕惕余謂樊碑之由其義尚也此由如也

妾誠無面目復奉巾

櫛櫛側瑟翻梳枇總名復扶又翻下同

願賜死此堂以塞陛下之過

塞悉則翻

聰覽之變色任顙等叩頭流涕不已聰徐曰朕比年已

來微得風疾

比毗至翻

喜怒過差不復自制元達忠臣也朕

未之察諸公乃能破首明之誠得輔弼之義也朕愧哉

于心

戰側立翻藏也

何敢忘之命顗等冠履就坐

卧坐祖翻

引元達

上

上時掌翻升堂也

以劉氏表示之曰外輔如公內輔如后朕

復何憂賜顗等殺帛各有差更命逍遙園曰納賢園李

中堂曰愧賢堂

更工衡翻

聰謂元達曰卿當畏朕而反使朕

畏卿耶西夷校尉向沈卒衆推汶山太守蘭維為西

夷校尉

向式亮翻姓也沈持林翻汶音岷姓諸鄭穆公名蘭支庶以為氏漢有武陵太守蘭廣又匈奴

傳亦有蘭氏非此蘭也

維率吏民北出欲向巴東

欲歸晉也

成將李恭

費黑邀擊獲之

將即亮翻費扶沸翻

夏四月丙午懷帝凶問至

長安皇太子舉哀因加元服

鄭樵通志略曰魏氏天子冠一加其說曰古之士禮

冠必三加彌尊所以喻其志至於天子諸侯無加數之文者將以踐阼臨人尊極德成不復與士以加喻勉為

義禮冠於廟自魏不復在廟矣冠太子再加是時蓋仍魏禮

壬申即皇帝位大赦改

元

始改元建興

以衛將軍梁芬為司徒雍州刺史麴允為尚

書左僕射錄尚書事

雍於用翻

京兆太守索綝為尚書右僕

射領吏部京兆尹

索昔各翻綝丑林翻

是時長安城中戶不盈百

蒿棘成林公私有車四乘

乘純證翻

百官無章服印綬唯桑

版署號而已尋以索綝為衛將軍領太尉軍國之事悉

以委之 漢中山王曜司隸校尉喬智明寇長安平西

將軍趙染帥衆赴之

帥讀曰率下同

詔麴允屯黃白城以拒之

石勒使石虎攻鄴鄴潰劉演奔廩丘

廩丘縣前漢屬東郡後漢屬濟

陰郡晉屬濮陽國賢曰廩丘故城在今濮州雷澤縣北

三臺流民皆降於勒

降戶江翻

勒以挑豹為魏郡太守以撫之久之以石虎代豹鎮鄴

初劉琨用陳留太守焦求為兖州刺史荀藩又用李述

為兖州刺史述欲攻求琨召求還及鄴城失守琨復以

劉演為兖州刺史鎮廩丘前中書侍郎郝鑒少以清節



著名帥高平千餘家避亂保嶧山

水經註嶧山在鄒縣北繹邑之所依以為

名也山東西二十里高秀獨出積石相臨殆無土壤石間多孔穴洞達相通往往有如數間屋處其俗謂之嶧

孔遭亂輒將家入嶧外寇雖衆無所施害晉永嘉中都鑒保此山今山南有大嶧名曰鄒公嶧詩所謂保有鳧

繹復扶又翻少詩照琅邪王睿就用鑒為兗州刺史鎮

鄒山

鄒山在魯郡鄒縣一月壬寅朔與丞相

考異曰劉琨集建興二年十月十日焦求雖出寒鄉有文武

膽幹苟晞用為陳留太守獨在河南距當石勒撫綏有方琨以求行領兗州刺史後聞苟公以李述為兗州以

素論門望不可與求同日而論至於膽幹可以處危權一時之用李述亦不能及求而王玄年少便欲共討求

琨以求已與玄構隙便召還而州界民物甚不安服述二千石及文武大姓連遣信使求刺史是以遣兄子演

代求領兗州事往年春正月遣詣鄆至是斬王桑走趙  
固云云今勒據襄國逼近鄆城故令演轉南演今治在  
康丘而李述都鑒並欲爭兗州或云為荀公所用或云  
為明公所用大冠未殄而自共尋干戈此以大潰也輒  
教演謹自守而已按王桑趙固之敗及石勒攻鄆皆在  
永嘉六年琨牋又云傳長安消息主上是秦王又建興  
二年十一月丙申朔元年十一月壬申朔十二月壬寅  
朔然則琨發牋之日建興元年十二月壬寅朔也傳寫  
誤三人各屯一郡兗州吏民莫知所從琅邪王睿以

前廬江內史華譚為軍諮祭酒

華戶化翻

譚嘗在壽春依周

馥睿謂譚曰周祖宣何故反

周馥字祖宣

譚曰周馥雖死天

下尚有直言之士馥見寇賊滋蔓欲移都以紓國難

乃難

旦執政不悅興兵討之馥死未踰時而洛都淪沒若謂

之反不亦誣乎

事見上卷永嘉四年五年

睿曰馥位為征鎮握彊兵

召之不入危而不持亦天下之罪人也譚曰然危而不

持當與天下共受其責非但馥也睿參佐多避事自逸

錄事參軍陳頤

錄事參軍掌總錄衆曹管其文案自上佐以下違失者彈正以法掌凡諸司察

之事白氏六帖曰州主簿郎督郵並今錄事參軍之職余據睿以頤為錄事參軍自別有主簿詳見辨誤言

於睿曰洛中承平之時朝士以小心恭恪為凡俗以偃

蹇倨肆為優雅流風相染以至敗國

朝直遥翻敗補邁翻

今僚屬

皆承西臺餘弊

江東謂洛都為西臺

養望自高是前車已覆而後

車又將尋之也請自今臨使稱疾者皆免官睿不從三

王之誅趙王倫也

見八十四卷惠帝永寧元年

制已亥格以賞功自

是循而用之願上言昔趙王篡逆惠皇失位三王起兵

討之故厚賞以懷嚮義之心今功無大小皆以格斷

斷

亂翻決也言功之輕重差次皆以已亥格決之

乃至金紫佩士卒之身符策委

僕隸之門非所以重名器正紀綱也請一切停之願出

於寒微數為正論府中多惡之

數所角翻惡烏路翻

出願為譙郡

太守 吳興太守周玘宗族彊盛

玘墟里翻

琅邪王睿頗疑

憚之睿左右用事者多中州亡官失守之士駕御吳人

吳人頗怨玘自以失職又為刁協所輕恥恚愈甚

恚於避翻

乃陰與其黨謀誅執政以諸南士代之事泄玘憂憤而

卒將死謂其子勰曰殺我者諸儉子也

勰音協儉助庚翻吳人謂中州

人為能復之乃吾子也 石勒攻李憚於上白斬之

憚於

翻王浚復以薄盛為青州刺史

上白城在安平廣宗縣李憚薄盛皆乞活帥復

翻扶又 王浚使棗嵩督諸軍屯易水召段疾陸眷欲與

之共擊石勒疾陸眷不至

以釋其弟末極德石勒故不肯會浚兵

浚怒以

重幣賂拓拔猗盧并檄慕容廆等共討疾陸眷

廆戶猗

盧遣右賢王六修將兵會之為疾陸眷所敗

敗補

廆遣

慕容翰攻段氏取徒河新城至陽樂

陽樂縣屬遼西郡賢曰陽樂縣在平

東州聞六修敗而還翰因留鎮徒河壁青山初中國士民

避亂者多北依王浚浚不能存撫又政法不立士民往

往復去之

復扶又翻

段氏兄弟專尚武勇不禮士大夫唯慕

容廆政事修明愛重人物故士民多歸之廆舉其英俊

隨才授任以河東裴窳

窳魚力翻

北平陽耽廬江黃泓代郡

魯昌為謀主廣平游邃北海逢羨

逢皮江翻

北平西方虔

何氏

姓苑少昊金天氏位主西方子孫以為氏

西河宋奭及封抽裴開為股肱平

原宋談安定皇甫岌岌弟真蘭陵繆愷

繆廡幼翻

昌黎劉斌

及封奕封裕典機要裕抽之子也裴窳清方有幹略為

昌黎太守兄武為玄菟太守武卒窳與武子開以其喪

歸過廆

自玄菟西歸道過棘城菟同都翻

廆敬禮之及去厚加資送行

及遼西道不通窳欲還就廆開曰鄉里在南柰何北行

且等為流寓段氏疆慕容氏弱何必去此而就彼也疑

曰中國喪亂

喪息浪翻

今往就之是相帥而入虎口也

帥讀日率

且道遠何由可達

言昌黎去河東既遠又路梗無由得達

若俟其清通又

非歲月可冀

言天下方亂道路未有清通之時

今欲求託足之地豈可

不慎擇其人汝觀諸段豈有遠略且能待國士乎慕容

公修行仁義有霸王之志加以國豐民安今往從之高

可以立功名下可以庇宗族汝何疑焉開乃從之既至

龐大喜陽耽清直沈敏為遼西太守

沈持林翻

慕容翰破段



氏於陽樂獲之鹿禮而用之游遂逢美宋奭皆嘗為昌

黎太守

逢皮江翻

與黃泓俱避地於薊後歸鹿王浚屢以手

書召遂兄暢暢欲赴之遂曰彭祖刑政不修華戎離叛

以遂度之必不能久兄且盤桓以俟之

易屯卦初九爻辭曰盤桓利居

貞王弼曰不可以進故盤桓也馬曰盤桓旋也度徒洛翻

暢曰彭祖忍而多疑頃者

流民北來命所在追殺之今手書殷勤我稽留不往將

累及卿

累力瑞翻

且亂世宗族宜分以冀遺種遂從之卒與

浚俱沒

種章勇翻卒子恤翻

宋該與平原杜羣劉翔先依王浚又

依段氏皆以為不足託帥諸流寓同歸於鹿東夷校尉

崔寔請皇甫宥為長史卑辭說諭終莫能致鹿招之宥

與弟真即時俱至

古語有之鳥則擇木木豈能擇鳥帥讀曰率說翰為翻

遼東張

統據樂浪帶方二郡與高句麗王乙弗利相攻連年不

解樂浪王遵說統帥其民千餘家歸鹿鹿為之置樂浪

郡

為于偽翻樂浪音洛琅句如字又音駒驪力知翻

以統為太守遵參軍事

王如餘黨涪陵李運巴西王建等自襄陽將三千餘家

入漢中

涪音浮

梁州刺史張光遣參軍晉邈將兵拒之邈

受運建賂勸光納其降

降戶江  
下同

光從之使居成固既而

邈見運建及其徒多珍寶欲盡取之復說光曰

復扶又  
翻說輸

為運建之徒不修農事專治器仗其意難測不如悉掩

殺之不然必為亂光又從之

將貪於下帥聞於上梁州  
之禍復自此始治直之翻

五月邈將兵攻運建殺之建婿楊虎收餘衆擊光屯于

厄水光遣其子孟萇討之不能克壬辰以琅邪王睿

為左丞相大都督陝東諸軍事南陽王保為右丞相

大都督陝西諸軍事

所謂分陝也  
陝失冉翻

詔曰今當掃除鯨

鮐

鮐大魚鉤網所不能制以比敵人之魁桀者鮐巨京翻鮐五芳翻

奉迎梓宮

謂懷帝遇害於

平陽梓宮未返也

令幽并兩州勒卒三十萬直造平陽

造七到翻下同

右丞相宜帥秦涼梁雍之師三十萬徑詣長安左丞相

帥所領精兵二十萬徑造洛陽

帥讀曰率雍於用翻

同赴大期克

成元勲漢中山王曜屯蒲坂石勒使孔萇擊定陵

殺田徽

定陵縣漢屬潁川郡晉屬襄城郡田徽王浚用為兗州刺史

薄盛率所部降

勒山東郡縣相繼為勒所取漢主聰以勒為侍中征東

大將軍烏桓亦叛王浚潛附於勒

史言王浚之勢浸以孤弱

六月

劉琨與代公猗盧會于陘北謀擊漢

陘音刑

秋七月琨進

據藍谷猗盧遣拓拔普根屯于北屈

北屈縣漢屬河東郡晉屬平陽郡春

秋晉公子夷吾所居邑也宋白曰慈州夾城縣本漢北屈縣地師古曰屈居勿翻

琨遣監軍韓

據自西河而南將攻西平

西平城在平陽西漢主聰築以居其子濟南王驥

漢

主聰遣大將軍粲等拒琨驃騎將軍易等拒普根蕩晉

將軍蘭陽等助守西平琨等聞之引兵還

還從宣翻聰又如字

使諸軍仍屯所在為進取之計帝遣殿中都尉劉蜀

詔左丞相睿以時進軍

殿中都尉屬二衛

與乘輿會除中原

乘絕

證翻八月癸亥蜀至建康睿辭以方平定江東未暇北伐

以鎮東長史刁協為丞相左長史從事中郎彭城劉隗

為司直

隗五罪翻

邵陵內史廣陵戴邈為軍諮祭酒

吳孫皓寶鼎元

年分零陵北部都尉立邵陵郡宋白曰邵陵漢之昭陵縣吳立邵陵郡唐為邵州

參軍丹陽張

閏為從事中郎

閏音閏又可亥翻

尚書郎潁川鍾雅為記室參

軍譙國桓宣為舍人豫章熊遠為主簿會稽孔愉為掾

會工外翻掾以絹翻

劉隗雅習文史善伺候睿意故睿特親愛之

為刁劉間王敦兄弟張本伺相吏翻

熊遠上書以為軍興以來處事不用

律令

呂虞昌翻

競作新意臨事立制朝作夕改至於主者不

敢任漙每輒閑諮

閑白也

非為政之體也愚謂凡為駁議

者皆當引律令經傳

駁北角翻傳直戀翻

不得直以情言無所依

準以虧舊典若開塞隨宜

塞卷則翻

權道制物此是人君之

所得行非臣子所宜專用也睿以時方多事不能從初

范陽祖逖少有大志

漢涿郡魏文帝更名曰范陽郡少時照翻

與劉琨俱為

司州主簿同寢中夜聞雞鳴寔琨覺曰

寔子六翻踴也覺居效翻寤也

此非惡聲也因起舞及渡江左丞相睿以為軍諮祭酒

逖居京口

吳孫權自吳徙丹徒謂之京城有京峴山在其東其城因山為壘俯臨江津故曰京口

糾合驍健

絕三合為糾糾言合三為一也驍堅克翻下同

言於睿曰晉室之亂

非上無道而下怨叛也由宗室爭權自相魚肉遂使塞

外乘隙毒流中土今遺民既遭殘賊人思自奮大王誠

能命將出師使如逖者統之以復中原郡國豪傑必有

望風響應者矣睿素無北伐之志以逖為奮威將軍豫

州刺史給千人廩布三千疋

給千人糧廩及布三千疋而已

不給鎧仗

使自召募逖將其部曲百餘家渡江中流擊楫而誓曰



祖遜不能清中原而復濟者有如大江

復扶又翻

遂屯淮陰

淮陰縣前漢屬臨淮郡後漢屬下邳國晉屬廣陵郡起冶鑄兵募得二千餘人而

後進 胡亢性猜忌殺其驍將數人杜曾懼潛引王冲

之兵使攻亢

王亢荊州賊也

亢悉精兵出拒之城中空虛曾因

殺亢而并其衆

周顗屯潯水城

廬山記曰尋陽縣在大江之北潯水之陽

潯水城無乃古之尋陽城乎

為杜弢所困陶侃使明威將軍朱伺救

之弢退保冷口

沈約志魏置將軍四十號明威第三弢吐刀翻水經註冷水南出九疑山北流

運冷道縣西南又北流注于都溪水又西北入于營水所謂冷口也楊正衡曰冷郎丁翻余攷此冷口去武昌

甚遠又水經註江水自蕪春故城南又東得銅零口此無乃是乎

侃曰弢必步向武昌

乃自徑道還郡以待之

徑道捷出之路

弢果來攻侃使朱伺逆

擊大破之弢遁歸長沙周顗出潯水投王敦於豫章敦

留之陶侃使參軍王貢告捷於敦敦曰若無陶侯便失

荊州矣乃表侃為荊州刺史屯沔江

水經註沔水上承沔陽之白湖東南

流逕沔陽縣南注于江謂之沔口陸游曰江陵之建寧鎮蓋沔口也王敦以陶侃為荊州鎮此明年徙林鄭侃

傳云初鎮沔口移入沔江水經註林障故城在沔南沔江謂林障也

左丞相睿召周顗復

以為軍諮祭酒

初氏王楊茂搜之子難敵遣養子販

易於梁州私賣良人子一人張光鞭殺之難敵怨曰使

君初來大荒之後兵民之命仰我氏活氏有小罪不能

賞也

賞始制翻貨也  
怨也又神夜翻

及光與楊虎相攻各求救於茂搜茂

搜遣難敵救光難敵求貨於光光不與楊虎厚賂難敵且

曰流民珍貨悉在光所

謂晉邀所  
殺奪者

今伐我不如伐光難

敵大喜光與虎戰使張孟萇居前難敵繼後難敵與虎

夾擊孟萇大破之孟萇及其弟援皆死光嬰城自守九

月光憤激成疾僚屬勸光退據魏興光按劍曰吾受國

重任不能討賊今得死如登僊何謂退也聲絕而卒

張光

雖以信用晉邀致寇其氣烈亦可尚也

州人推其少子邁領州事

少詩

又

與氏戰沒衆推始平太守胡子序領梁州

荀藩薨于

開封

荀藩傳祇相繼而沒陝東二行臺惟荀組在耳考異曰帝紀曰薨于滎陽今從藩傳

漢中

山王曜趙染攻麴允于黃白城允累戰皆敗詔以索綝

為征東大將軍將兵助允

王貢自王敦所還至竟陵

矯陶侃之命以杜曾為前鋒大都督擊王冲斬之悉降

其衆

江降

戶侃

召曾曾不至貢恐以矯命獲罪遂與曾反

擊侃冬十月侃兵大敗僅以身免敦表侃以白衣領職

侃復帥周訪等進擊杜弼大破之

復扶又翻

敦乃奏復侃官

漢趙染謂中山王曜曰麴允率大眾在外長安空虛

可襲也曜使染帥精騎五千襲長安

帥讀曰率下同

庚寅夜入

外城帝犇射鴈樓染焚龍尾及諸營

龍尾者依城築道陂陀而漸高登陴

所由之路也又水經曰秦時有黑龍從南山出飲渭水其行道因山成跡長六十餘里頭臨渭水尾達樊川漢

蕭何起未央宮斬龍首山而營之頭高二十丈尾漸下高五六丈所謂龍尾者此山之尾也

殺掠千

餘人辛卯旦退屯逍遙園

水經註洸水上承皇子陂於樊川北逕長安城西與昆明

池水合沱水又東北流逕鄧艾祠南  
又東分為二水一水東入道遂圍

壬辰將軍麴鑒自

阿城帥衆五千救長安

阿城即秦阿房宮城也

癸巳染引還鑒追

之與曜遇於零武鑒兵大敗

前漢北地郡有靈武縣後漢晉省至後魏置咸陽郡

池陽靈武二縣並屬馬黃白城在池陽則此零武為前漢北地郡魏咸陽郡之靈武明矣

楊虎楊

難敵急攻梁州胡子序棄城走難敵自稱刺史漢中

山王曜恃勝而不設備十一月麴允引兵襲之漢兵大

敗殺其冠軍將軍喬智明

冠古玩翻

曜引歸平陽王浚以

其父字處道自謂應當塗高之識謀稱尊號

王浚又一袁術也

前勃海太守劉亮北海太守王搏

搏徒官翻

司空掾高柔切

諫

掾于絹翻此又一高柔非魏之高柔

浚皆殺之燕國霍原志節清高屢

辭徵辟浚以尊號事問之原不答浚誣原與羣盜通殺

而梟其首

梟聖充翻

於是士民駭怨而浚矜豪日甚不親政

事所任皆苛刻小人棗嵩朱碩貪橫尤甚

橫戶孟翻

北州謠

曰府中赫赫朱丘伯十囊五囊入棗郎

朱丘伯朱碩字也嵩浚之婿故

曰棗郎調發殷煩下不堪命多叛入鮮卑

調徒弔翻

從事韓咸

監護柳城

柳城縣前漢屬遼西郡後漢晉省監工外翻

盛稱慕容廆能接納

士民欲以諷浚浚怒殺之浚始者唯恃鮮卑烏桓以為  
疆既而皆叛之加以蝗旱連年兵勢益弱石勒欲襲之

未知虛實將遣使覘之

使疏吏翻覘廉  
庶翻又曰艷翻

參佐請用羊祜

陸抗故事致書於浚

欲用敵國  
交鄰之禮

勒以問張賓賓曰浚名

為晉臣實欲廢晉自立但患四海英雄莫之從耳其欲

得將軍猶項羽之欲得韓信也將軍威振天下今卑辭

厚禮折節事之猶懼不信況為羊陸之亢敵乎

折而設  
翻亢口

浪翻夫謀人而使人覺其情難以得志矣勒曰善十二月



勒遣舍人王子春董肇多齎珍寶奉表於浚曰勒本小

族遭世饑亂流離屯厄

屯林倫  
翻難也

竄命冀州竊相保聚以

救性命今晉祚淪夷中原無主殿下州鄉貴望

勒上黨  
武鄉人

而浚太原人  
故云州鄉

四海所宗為帝王者非公復誰

復扶  
又翻

勒所

以捐軀起兵誅討暴亂者正為殿下驅除爾伏願殿下

應天順人

為于  
偽翻

早登皇祚勒奉戴殿下如天地父母殿下

下察勒微心亦當視之如子也又遺棗嵩書厚賂之

于遺

季浚以段疾陸眷新叛士民多棄已去聞勒欲附之甚

喜謂子春曰石公一時豪傑據有趙魏乃欲稱藩於孤  
其可信乎子春曰石將軍才力彊盛誠如聖旨但以殿  
下中州貴望威行四裔將以傳之奕禩以及於無窮未  
有願他族為帝王者也石將軍非惡帝王不為而讓於  
殿下惡鳥路翻顧以帝王自有歷數非智力之所取雖彊取  
之彊其兩翻必不為天人之所與故也項羽雖彊終為漢有  
石將軍之比殿下猶陰精之與太陽是以遠鑒前事歸  
身殿下此乃石將軍之明識所以遠過於人也殿下又

何怪乎浚大悅封子春肇皆為列侯遣使報聘以厚幣

酬之游綸兄統為浚司馬鎮范陽遣使私附於勒

游綸保據

范鄉偽降於勒勒已襲禽之

勒斬其使以送浚浚雖不罪統益信勒

為忠誠無復疑矣是歲左丞相睿遣世子紹鎮廣陵

以丞相掾蔡謨為參軍謨克之子也漢中山王曜圍

河南尹魏浚於石梁

石梁塢在洛水北

兖州刺史劉演河內太

守郭默遣兵救之曜分兵逆戰於河北敗之

河北大河之北即富

平津之北也

敗補邁翻浚夜走獲而殺之

代公猗盧城盛樂以

為北都治故平城為南都又作新平城於湍水之陽使

右賢王六修鎮之統領南部

盛樂縣前漢屬定襄郡後漢屬雲中郡平城漢屬鴈

門郡括地志曰朔州定襄縣本漢平城縣拓拔魏之盛也置朔州於盛樂置恒州於平城平城謂之代郡自高祖遷洛其後被六韓拔陵作亂故都為墟恒州寄治肆州秀容郡城雲州寄治并州界魏收地形志自陁嶺以北所記略失隋之盛也北逐突厥復漢故塞省併後魏所置郡縣盛樂蓋在定襄郡大利縣界平城在馬邑郡雲內縣界唐破突厥北盡魏隋之路朔州善陽縣則漢定襄魏桑乾之地單于都護府金河縣則後魏道武所都也雲州雲中縣則後魏所都平城也然自單于都護府東北至朔州三百五十七里則盛樂距平城其道里可知矣杜佑曰雲中今馬邑郡北平城即今郡隋雲內縣恒安鎮魏書帝紀猗盧修故平城以為南都更南百

里於湟水之陽黃瓜堆築新平城晉人謂之小平城杜佑又曰朔州馬邑郡魏都平城於郡北置懷朔鎮及遷洛後置朔州後魏初雲中在今郡北三百餘里定襄故城北北齊置朔州在故都西南新城一名平城也後移於馬邑即今郡城也郡治善陽縣亦漢定襄縣地有秦馬邑城武周塞紫河發源於此宋白曰唐振武軍舊單于都護府即漢定襄郡之盛樂縣也在陰山之陽黃河之北後魏所都盛樂是也唐平突厥於此置雲中都督府後改單于府莊固地理志石北平俊靡縣湟水南至無終東入庾師古曰湟方水翻又音郎賄翻鄯道元水經註庾水與鮑丘水合俊靡在東與平城相去甚遠新平城不在此湟水之陽也據魏書道武帝西如馬邑觀湟源則湟水蓋出於馬邑而東北流逕平城之南也酈道元魏人也其註水經叙代都之事宜詳初不言平城有湟水但言濕水逕平城南耳註曰濕水出鴈門陰館縣濕頭山一曰治水東北流出山逕陰館縣故城西故

樓煩鄉也又有馬邑川水會桑乾水而注于濕水濕水東流過平城南又東流逕廣甯下洛縣南東至漁陽入筍溝又考班固地理志鴈門陰館縣樓煩鄉累頭山治水所出東至泉州入海師古曰累音力追翻治音弋之翻竊謂水出累頭山疑當時亦有累水之名師古音從平聲音相近也意道元所謂濕水即漫水也又考丁度集韻深漫漶三字同註云水出鴈門則亦有見於此矣漫類篇音魯水翻

資治通鑑卷八十八

資治通鑑卷八十九

宋 司馬光 撰

胡三省 音註

晉紀十一

起開逢闕茂盡柔  
兆困敦凡三年

孝愍皇帝下

建興二年春正月辛未有如日隕于地又有三日相承

出西方而東行

天文占曰三四月六日俱出並爭天下  
兵作又曰三日並出不過三旬諸侯爭

為帝

丁丑大赦

有流星出牽牛入紫微

晉天文志牽  
牛六星在河

鼓南光燭地墜于平陽北化為肉長三十步廣二十七步

長直亮翻廣右  
曠翻後倣此

漢主聰惡之

惡鳥路翻

以問公卿陳元達以

為女寵太盛亡國之徵

考異曰載記元達等曰臣恐後庭有三后之事按立三后在

明年於聰曰此陰陽之理何關人事聰后劉氏賢明聰所  
時未也

為不道劉氏每規正之已丑劉氏卒諡曰武宣自是嬖

寵競進後宮無序矣

嬖卑義翻  
又博計翻

聰置丞相等七公

七公見下

自晉王粲至中山王曜是也

又置輔漢等十六大將軍

輔漢都護中軍上軍撫軍

鎮衛京前後左右上下軍輔各配兵二千以諸子為之

國冠軍龍驤虎牙等大將軍



又置左右司隸各領戶二十餘萬萬戶置一內史單于

左右輔各主六部十萬落

六部蓋胡羯鮮卑氐羌巴蠻或曰烏丸非巴蠻也單音蟬

萬落置一都尉左右選曹尚書並典選舉自司隸以下

六官皆位亞僕射以其子粲為丞相領大將軍錄尚書

事進封晉王江都王延年錄尚書六條事

錄尚書六條事始見於此

沈約志曰晉康帝世何充錄表云咸康中分置三錄王導錄其一荀崧陸曄各錄六條事然則似有二十四

條若止有十二條則荀陸各錄六條導又何所司乎若導總錄荀陸分掌則不得復云導錄其一也其後每置

二錄輒云各錄六條事又似止有十二條十二條者不知悉何條也江右張華江左庾亮並經問尚書七條則

亦不知皆何事也余按宋元嘉以後江夏王義恭始興王濬南譙王義宣皆錄尚書六條事沈氏世仕江左歷位通顯且不知為何事後之人何所取徵杜佑曰何充讓錄表曰咸康中分置三錄王導錄其一荀松陸暉各錄二條事晉氏度江有吏部祠部左民五兵度支五尚書是五條也晉初有吏部三公客曹駕部屯田度支六曹太康有吏部殿中五兵田曹度支左民六曹蓋六條也如杜佑之言則六條蓋六曹也沈約以何充表各錄二條為各錄六條致有此誤

汝陰王景為太師王育為太傅任顗為

太保馬景為大司徒朱紀為大司空中山王曜為大司

馬壬辰王子春等及王浚使者至襄國石勒匿其勁

卒精甲羸師虛府以示之

羸倫為翻

北面拜使者而受書浚

遺勒塵尾

遺于季翻塵尾皮翻麋尾能生風辟蛇蟻晉王公貴人多執塵尾以玉為柄

勒陽

不敢執懸之於壁朝夕拜之曰我不得見王公見其所

賜如見公也復遣董肇奉表于浚期以三月中旬親詣

幽州奉上尊號

復扶又翻上時掌翻

亦修牋于橐駝求并州牧廣

平公勒問浚之政事於王子春子春曰幽州去歲大水

人不粒食

五穀不登故不粒食

浚積粟百萬不能賑贍刑政苛酷

賦役殷煩忠賢內離邊釁日深人皆知其將亡而浚意

氣自若曾無懼心方更置立臺閣布列百官自謂漢高

魏武不足比也勒撫几笑曰王彭祖真可擒也浚使者

還薊

薊音計

具言石勒形勢寡弱款誠無二浚大悅益驕

怠不復設備楊虎掠漢中吏民以奔成梁州人張咸

等起兵逐楊難敵

楊虎楊難敵攻漢中事始上卷上年

難敵去咸以其地

歸成於是漢嘉涪陵漢中之地

漢嘉本前漢青衣縣屬蜀郡後漢順帝陽嘉二

年改曰漢嘉蜀分立漢嘉郡

皆為成有成主雄以李鳳為梁州刺史

任回為寧州刺史李恭為荊州刺史雄虛已好賢隨才授

任

好呼到翻

命太傅驤養民於內李鳳等招懷於外刑政寬

簡獄無滯囚興學校置史官

校戶教翻

其賦民男丁歲穀三

斛女丁半之疾病又半之戶調絹不過數丈綿數兩

徒調

鈞翻賦也

事少役希

少詩召翻

民多富實新附者皆給復除

復方目翻

是時天下大亂而蜀獨無事年穀屢熟乃至閭門不閉

路不拾遺漢嘉夷王冲歸朱提審昭建寧爨蠻皆歸之

朱提音鉢時昭與照同居良翻

巴郡嘗告急云有晉兵

雄曰吾常憂琅邪微弱遂為石勒所滅以為耿耿

耿古幸翻

耿耿憂也

不圖乃能舉兵使人欣然然雄朝無儀品爵位濫

溢通直吏無祿秩取給於民軍無部伍號令不肅此其

所短也 二月壬寅以張軌為太尉涼州牧封西平郡

公王浚為大司馬都督幽冀諸軍事荀組為司空領尚

書左僕射兼司隸校尉行留臺事劉琨為大將軍都督

并州諸軍事朝廷以張軌老病拜其子寔為副刺史

副刺史

史前此未有也石勒纂嚴將襲王浚而猶豫未發張賓曰夫

襲人者當出其不意今軍嚴經日而不行豈非畏劉琨  
及鮮卑烏桓為吾後患乎勒曰然為之奈何賓曰彼三

方智勇無及將軍者將軍雖遠出彼必不敢動且彼未

謂將軍便能懸軍千里取幽州也輕軍往返不出二旬

藉使彼雖有心比其謀議出師

比必寐翻

吾已還矣且劉琨

王浚雖同名晉臣實為仇敵若修牋于琨送質請和音質

致下琨必喜我之服而快浚之亡終不救浚而襲我也

用兵貴神速勿後時也勒曰吾所未了右侯已了之

決了

也吾復何疑

復扶又翻下敢復同

遂以火宵行至栢人

栢人縣屬趙國唐為

邢州堯山縣殺主簿游綸以其兄統在范陽恐泄軍謀故也

遣使奉牋送質于劉琨自陳罪惡請討浚以自效琨大

喜移檄州郡稱已與猗盧方議討勒勒走伏無地求拔

幽都以贖罪今便當遣六修南襲平陽除僭偽之敗類

降知死之逋羯

敗類謂劉聰逋羯謂石勒降戶江翻羯居謁翻

順天副民翼奉

皇家斯乃曩年積誠靈祐之所致也

浚琨為勒所玩弄而不自覺宜其相

繼而覆亡也

考異曰琨集檄首云三月庚午朔五月

甲戌按石勒以壬申克幽州蓋時晉陽尚未知也欲叙

琨事畢然後叙勒事故置此

三月勒軍達易水王浚督護孫緯馳遣

白浚

緯于貴翻

將勒兵拒之游統禁之浚將佐皆曰用兵不



厭詐必有詭計請擊之浚怒曰石公來正欲奉戴我耳

敢言擊者斬衆不敢復言浚設饗以待之壬申勒晨至

薊薊音計 考異曰三十國春秋先言癸酉勒取幽州後言壬午勒晨至薊按劉琨表曰勒以三月三日徑

掩薊城然則當 叱門者開門猶疑有伏兵先驅牛羊數言壬午是也

千頭聲言上禮言欲以牛羊上浚以為禮上時掌翻實欲塞諸街巷塞悉則翻

浚始懼或坐或起勒既入城縱兵大掠浚左右請禦之

浚猶不許勒升其聽事中庭曰聽事言受事察訟於是漢晉皆作聽事六朝以來乃始

加厂作廐浚乃走出堂皇堂無四壁曰皇勒衆執之勒召浚妻並他經翻

與之並坐執浚立於前浚罵曰汝敢調乃公

調田聊翻戲也

何

凶逆如此勒曰公位冠元台

冠古玩翻

手握彊兵坐觀本朝

傾覆

朝直遙翻下同

曾不救援乃欲自尊為天子非凶逆乎又

委任姦貪殘虐百姓賊害忠良毒徧燕土

燕於賢翻

此誰之

罪也使其將王洛生以五百騎送浚于襄國浚自投于

水東而出之斬于襄國市勒殺浚麾下精兵萬人浚將

佐爭詣軍門謝罪饋賂交錯前尚書裴憲從侍中郎荀

綽獨不至勒召而讓之曰王浚暴虐孤討而誅之諸人

皆來慶謝二君獨與之同惡將何以逃其戮乎對曰憲

等世仕晉朝荷其榮祿

荷下可翻

浚雖凶麤猶是晉之藩臣

故憲等從之

裴憲奔幽州見八十卷懷帝永嘉五年

不敢有貳明公苟不

修德義專事威刑則憲等死自其分

分扶問翻

又何逃乎請

就死不拜而出勒召而謝之待以客禮綽勗之孫也勒

數朱碩秦嵩等以納賄亂政為幽州患

事見上卷上年數所具翻

責

游統以不忠所事皆斬之

以統欲以范陽私附之也

籍浚將佐親戚

家貲皆至巨萬惟裴憲苟綽止有書百餘褰鹽米各十

餘斛而已

襄與帙同直質翻  
書卷編次成帙

勒曰吾不喜得幽州喜得

二子以憲為從事中郎綽為參軍分遣流民各還鄉里

勒停薊二日焚浚宮殿以故尚書燕國劉翰行幽州刺

史戍薊置守宰而還

還從宣翻  
又如字

孫緯遮擊之勒僅而得

免勒至襄國遣使奉王浚首獻捷于漢漢以勒為大都

督督陝東諸軍事

此陝東亦取分陝  
之義而授之耳

驃騎大將軍東單

于

驃足妙翻  
單音蟬

增封十二郡勒固辭受二郡而已劉琨請

兵於拓跋猗盧以擊漢會猗盧所部兵騎萬餘家謀應

石勒猗盧悉誅之不果赴琨約琨知石勒無降意乃大

懼

降戶  
江翻

上表曰東北八州勒滅其七

勒入鄴殺都督東  
燕王騰寇信都殺

冀州刺史王斌襲鄆城殺兗州刺史袁孚攻新蔡殺豫  
州刺史新蔡王確襲蒙城擒青州都督苟晞克上白斬  
青州刺史李憚攻信都殺冀州刺史王象攻定陵殺兗  
州刺史田徽襲幽州擒王浚除李憚田徽王浚承制所  
授是滅其七也先朝所授存者惟臣

朝直  
遙翻

勒據襄國與臣隔山

山自太行恒山至于幽碣連延  
不斷襄國在山東晉陽在山西

朝發夕至城塢駭懼雖

懷忠憤力不從願耳劉翰不欲從石勒乃歸段匹碑匹

碑遂據薊城

碑丁  
吳翻

王浚從事中郎陽裕耽之兄子也逃

犇令支

令支縣漢屬遼西故孤竹君之國晉省段氏據之為國都應劭曰令音鈴裴松之曰支其兒翻

師古曰令又音郎定翻杜佑曰令支今北平郡盧龍縣即其地

依段疾陸眷會稽朱左

車魯國孔纂泰山胡母翼自薊逃奔昌黎依慕容廆

工會

外翻廆戶罪翻

是時中國流民歸廆者數萬家廆以冀州人為

冀陽郡

據魏收地形志冀陽郡當置於漢北平平剛縣界

豫州人為成周郡

成周

屬豫州之地

青州人為營丘郡

前漢志遼西臨渝縣有渝水首受白狼水南流

還營丘城西

并州人為唐國郡

并州古唐國也廆因以名郡成周唐國二郡所

置地

初王浚以邵續為樂陵太守屯厭次

厭次本前漢平原郡

之富平縣後漢明帝更名厭次晉分屬樂陵為治所丁  
度集韻厭於琰翻九域志曰相傳秦始皇東遊厭氣碣  
石次舍於此因以為名魏收曰樂陵郡厭次縣有富城邵續居之

浚敗續附於石勒勒

以續子又為督護浚所署勃海太守東萊劉脩棄郡依

續謂續曰凡立大功必杖大義君晉之忠臣奈何從賊

以自汙乎

汙烏故翻

會段匹磾以書邀續同歸左丞相睿續

從之其人皆曰今棄勒歸匹磾其如又何續泣曰我豈

得顧子而為叛臣哉殺異議者數人勒聞之殺又續遣

劉脩使江東

使疏史翻

睿以脩為參軍以續為平原太守石

勒遣兵圍績匹碑使其弟文鶩救之勒引去 襄國大

饑穀二升直銀一斤肉一斤直銀一兩 杜弼將王真

襲陶侃於林障

水經註林障在江夏沌陽縣汙水逕沌陽縣北又東逕林障故城北宋白曰晉

江夏郡治林障義侃犇灞中周訪救侃擊弼兵破之灞

熙元年方徙夏口涉翻丁度曰灞水名在西陽水經註灞水過江夏安陸縣而東南流分為二水東通灞水西入于沔 夏

五月西平武穆公張軌寢疾遺令文武將佐務安百姓

上思報國下以寧家已丑軌薨

考異曰帝紀作壬辰今從前涼錄鈔前涼錄

鈔又曰葬建陵蓋張祚惜號後追尊其墓耳

長史張璽等表世子寔攝父位



重斯氏翻

漢中山王曜趙染寇長安六月曜屯渭汭春秋左氏

傳曰號公敗戎于渭汭杜預曰水之隈曲曰汭王肅曰汭入也呂忱曰汭者水相入也即渭水入河處汭儒稅

翻染屯新豐索綝將兵出拒之索昔各翻綝丑林翻染有輕綝之

色長史魯徽曰晉之君臣自知強弱不敵將致死於我

不可輕也染曰以司馬模之彊吾取之如拉朽事見八十七卷

懷帝永嘉五年拉落合翻索綝小豎豈能汙吾馬蹄刀刀邪晨帥輕

騎數百逆之汙烏故翻帥讀曰率下同曰要當獲綝而後食綝與戰

于城西新豐城西也染兵敗而歸悔曰吾不用魯徽之言以

至此何面目見之先命斬徽徽曰將軍愚悞以取敗乃

復忌前害勝

復扶又翻下同悞弼力翻忌前忌人在前害勝害勝已者

誅忠良以逞

忿猶有天地將軍其得死於枕席乎詔加索綝驃騎大

將軍尚書左僕射錄尚書承制行事

驃匹妙翻

曜染復與將

軍殷凱帥衆數萬向長安

考異曰晉春秋作段凱今從麴允傳

麴允逆

戰於馮翊允敗收兵夜襲凱營凱敗死曜乃還攻河內

太守郭默于懷列三屯圍之默食盡送妻子為質請糴

於曜糴畢復嬰城固守曜怒沈默妻子於河而攻之

質音

致沈持  
林翻

默欲投李矩於新鄭

新鄭縣漢屬河南郡晉省其地當在滎陽郡界周宣

王弟鄭桓公本封京兆之鄭縣其子武公邑于號節之間遂為鄭國左傳鄭莊公曰吾先君新邑于此後遂為

新鄭縣以別京兆之鄭

矩使其甥郭誦迎之兵少不敢進

少詩會

劉琨遣參軍張肇帥鮮卑五百餘騎詣長安道阻不通

還過矩營矩說肇使擊漢兵

說翰

漢兵望見鮮卑不戰

而走默遂率衆歸矩漢主聰召曜還屯蒲坂 秋趙染

攻北地麴允拒之染中弩而死

中竹

石勒始命州郡

閱實戶口戶出帛二匹穀二斛 冬十月以張寔為都

督涼州諸軍事涼州刺史西平公 十一月漢主聰以

晉王粲為相國大單于摠百揆粲少有俊才自為宰相

驕奢專恣遠賢親佞嚴刻愎諫國人始惡之

為後粲為  
新準所弑

張本少詩照翻達  
于願翻惡鳥路翻

周總以其父遺言

見上卷建興  
元年總音協因

吳人之怨謀作亂使吳興功曹徐馥矯稱叔父丞相從

事中郎札之命收合徒眾以討王導刁協豪傑翕然附

之孫皓族人弼亦起兵於廣德以應之

沈約曰廣德縣  
疑是吳所立屬

宣城郡按今廣德軍即其地宋白曰  
廣德縣本秦鄣郡地漢以為故鄣縣

三年春正月徐馥殺吳興太守袁瑋

瑋音秀又音酉

有衆數千

欲奉周札為主札聞之大驚以告義興太守孔侃勰知

札意不同不敢發馥黨懼攻馥殺之孫弼亦死札子續

亦聚衆應馥左丞相睿議發兵討之王導曰今少發兵

則不足以平寇

少詩治翻

多發兵則根本空虛續族弟黃門

侍郎蒯

蒯夷然翻

忠果有謀請獨使蒯往足以誅續睿從之

蒯晝夜兼行至郡將入遇續於門謂續曰當與君共詣

孔府君有所論續不肯入蒯牽逼與俱坐定蒯謂孔侃

曰府君何以置賊在坐

坐祖卧翻

續衣中常置刀即操刀逼

廷

操千高翻

廷叱郡傳教吳曾格殺之

傳教郡吏也宣傳教令者也

廷因

欲誅髡札不聽委罪於從兄邵而誅之廷不歸家省母

從才

用翻省悉景翻

遂長驅而去母狼狽追之睿以札為吳興太

守廷為太子右衛率以周氏吳之豪望故不窮治撫髡

如舊

率如字治直之翻

詔平東將軍宋哲屯華陰

華陰縣前漢屬京兆

後漢晉屬弘農郡華戶化翻

成主雄立后任氏

二月丙子以琅

邪王睿為丞相大都督督中外諸軍事南陽王保為相

國荀組為太尉領豫州牧劉琨為司空都督并冀幽三

州諸軍事琨辭司空不受南陽王模之敗也

見八十卷懷

帝永嘉五年都尉陳安往歸世子保於秦州保命安將千餘

人討叛羌寵待甚厚保將張春疾之譖安云有異志請

除之保不許春輒伏刺客以刺安安被創馳還隴城

隴城縣

城也前漢屬天水後漢改天水為漢陽

晉省以刺七亦翻被皮義翻創出良翻遣使詣保貢獻

不絕

使疏更翻

詔進拓跋猗盧爵為代王置官屬食代常

山二郡

常山已為石勒所有拓跋氏建國曰代始此

猗盧請并州從事鴈門

莫含於劉琨

姓譜莫姓楚莫敖之後

琨遣之含不欲行琨曰以并

州單弱吾之不材而能自存於彊敵之間者代王之力

也吾傾身竭貲以長子為質而奉之者庶幾為朝廷雪

大恥也

琨以長子遵質於猗盧長知兩翻幾居希翻

卿欲為忠臣奈何惜共

事之小誠而忘殉國之大節乎往事代王為之腹心乃

一州之所賴也含遂行猗盧甚重之常與參大計猗盧

用灋嚴國人犯灋者或舉部就誅老幼相携而行人問

何之曰往就死無一人敢逃匿者王敦遣陶侃甘卓



等討杜弼前後數十戰弼將士多死乃請降於丞相睿

弼土刀翻將即亮翻降戶江翻

睿不許弼遺南平太守應詹書

遺于季翻自

陳昔與詹共討樂鄉本同休戚後在湘中懼死求生遂

相結聚

見八十七卷懷帝永嘉五年

儻以舊交之情為明枉直

偽為于翻

下使得輸誠盟府

時琅邪王睿為東南方鎮盟主故曰盟府

厠列義徒或北

清中原或西取李雄以贖前愆雖死之日猶生之年也

詹為啓呈其書且言弼益州秀才

羅尚刺益州舉弼秀才為于偽翻

素

有清望為鄉人所逼今悔惡歸善宜命使撫納以息江

湘之民

使疏史翻

睿乃使前南海太守王運受弑降赦其反

逆之罪以弑為巴東監軍

監工謝翻

弑既受命諸將猶攻之

不已弑不勝憤怒遂殺運復反

勝音升復扶又翻

遣其將杜弘

張彥殺臨川內史謝攜

吳孫亮太平二年分豫章東部都尉立臨川

郡攜丑之翻遂

陷豫章三月周訪擊彥斬之弘犇臨賀

臨賀縣漢屬蒼梧郡吳分立臨

賀漢大赦改元建元

考異曰十六國春秋建元元年晉建興二年同編修劉恕

言今晉州臨汾縣嘉泉村有漢太宰劉雄碑云嘉平五年歲在乙亥二月六日立然則改建元在乙亥二月後

也雨血於漢東宮延明殿太弟又惡之以問太傅崔

瑋太保許遜瑋遜說又曰

兩于具翻惡鳥路翻說輸為翻

主上往日以

殿下為太弟者欲以安衆心耳其志在晉王久矣

聰子裴封

王晉王公已下莫不希旨附之今復以晉王為相國羽儀

威重踰於東宮萬機之事無不由之諸王皆置營兵以

為羽翼

事見上年

事勢已去殿下非徒不得立也朝夕且有

不測之危不如早為之計今四衛精兵不減五千

謂東宮左

右前後四衛率所統兵也

相國輕佻止煩一刺客耳

佻他彫翻

大將軍無

日不出其營可襲而取

裴弟勃海王數時為大將軍

餘王並幼固易

奪也

易以鼓翻

苟殿下有意二萬精兵指顧可得鼓行入雲

龍門宿衛之士孰不倒戈以迎殿下者大司馬不慮其

為異也

大司馬謂中山王曜

又弗從東宮舍人荀裕告瑋遐勸又

謀反

東宮舍人太子舍人之職又以太弟居東宮

漢主聰收瑋遐於詔獄假

以他事殺之使冠威將軍卜抽將兵監守東宮

冠古玩翻監工

街翻

禁又不聽朝會

朝直送翻

又憂懼不知所為上表乞為庶

人并除諸子之封褒美晉王請以為嗣抽抑而弗通

漢青州刺史曹窋盡得齊魯間郡縣

窋魚力翻

自鎮臨菑有

衆十餘萬臨河置戍石勒表稱寔有專據東方之志請

討之漢主聰恐勒滅寔不可復制

復扶又翻下同

弗許聰納中

護軍靳準二女月光月華

靳居愜翻

立月光為上皇后劉貴

妃為左皇后月華為右皇后左司隸陳元達極諫

聰置左右

司隸以為並立三后非禮也聰不悅以元達為右光祿大

夫外示優崇實奪其權於是太尉范隆等皆請以位讓

元達聰乃復以元達為御史大夫儀同三司月光有穢

行

行下孟翻

元達奏之聰不得已廢之月光慙恚自殺

恚於避翻

聽恨元達 夏四月大赦 六月盜發漢霸杜二陵及

薄太后陵

漢薄太后葬南陵在霸陵之南

得金帛甚多詔收其餘以實

內府 辛巳大赦 漢大司馬曜攻上黨八月癸亥敗

劉琨之衆於襄垣曜欲進攻陽曲

襄垣縣屬上黨郡陽曲琨所居也敗補遣

翻漢主聰遣使謂之曰

使疏吏翻

長安未平宜以為先曜乃

還屯蒲坂 陶侃與杜弢相攻弢使王貢出挑戰

挑徒了翻

侃遙謂之曰杜弢為益州小吏盜用庫錢父死不葬喪

卿本佳人何為隨之天下寧有白頭賊邪

言為賊者貢不得至老貢

初橫腳馬上聞侃言斂容下脚侃知可動復遣使諭之

截髮為信貢遂降於侃

貢叛侃見上卷元年降戶江翻下同

攷衆潰遁走

道死

考異曰攷傳云攷逃遁不知所存晉春秋云城潰攷投水死今從帝紀

侃與南平太

守應詹進克長沙

長沙杜攷之巢穴也

湘州悉平丞相容承制赦

其所部進王敦鎮東大將軍加都督江楊荆湘交廣六

州諸軍事江州刺史敦始自選置刺史以下寢益驕橫

橫戶初王如之降也

見上卷懷帝永嘉六年

敦從弟稜愛如驍勇

從才川翻

驍堅堯翻請敦配已麾下敦曰此輩險悍難畜

悍下罕翻又戾

許肝翻畜六翻

汝性狷急

狷古

不能容養更成禍端稜固請乃

與之稜置左右甚加寵遇如數與敦諸將角射爭鬪

數所

角翻稜杖之如深以為恥及敦潛畜異志稜每誅之敦怒

其異已密使人激如今殺稜如因閑宴請劍舞為歡

稜許之如舞劍漸前稜惡而呵之

惡鳥路翻

如直前殺稜敦

聞之陽驚亦捕如誅之初朝廷聞張光死

光死見上卷元年

以侍中第五猗為安南將軍

考異曰周訪傳云征南大將軍今從杜曾傳監

荆梁益寧四州諸軍事荊州刺史

監工街翻

自武關出杜曾



迎猗於襄陽為兄子娶猗女

為于偽翻

遂聚兵萬人與猗分

據漢沔陶侃既破杜弢乘勝進擊曾有輕曾之志司馬

魯恬諫曰凡戰當先料其將今使君諸將無及曾者未

易可逼也

易以鼓翻

侃不從進圍曾於石城

水經註沔水南逕石城西城因

山為固晉羊祜鎮荊州立晉惠帝元康九年分江夏西部都尉置竟陵郡治石城今鄖州長壽縣即其地曾

軍多騎兵

騎奇寄翻

密開門突侃陳

陳讀口陣

出其後反擊之侃

兵死者數百人曾將趨順陽

趨七喻翻

下馬拜侃告辭而去

時荀崧都督荊州江北諸軍事屯宛

江當作沔宛於元翻

曾引兵

圍之崧兵少食盡

少詩照翻

欲求救於故吏襄城太守石覽

崧小女灌年十三帥勇士數十人

帥讀曰率下同

踰城突圍夜

出且戰且前遂達覽所又為崧書求救於南中郎將周

訪訪遣子撫帥兵三千與覽共救崧曾乃遁去曾復致

牋於崧求討丹水賊以自效

丹水縣前漢屬弘農郡後漢屬南陽郡晉屬順陽郡

賢曰丹水故城在今鄧州內鄉縣西南臨丹水復扶又翻下同

崧許之陶侃遺崧書曰

杜曾凶狡所謂鷓鴣食母之物

鷓鴣堅克翻一曰流離爾雅作鷓鴣陸璣草木疏

曰鷓也聞西人謂之流離大則食其母爾雅有茅鷓今鷓鴣也似鷹而白怪鷓即鷓鴣也鷓鴣土鷓也孔穎達

曰鴉惡聲之鳥一名鴉與梟一名鴞詩鴞印云為鴞為梟是也俗說以為土梟非也陸璣疏云鴞大如班鳩綠色惡聲之鳥也入人家凶賈誼所謂服鳥是也其肉甚美可為羹臠又可為炙漢供御物各隨其時唯鴞冬夏尚施之以其美

此人不死州土未寧足下當識吾言

識職

吏翻記也

崧以宛中兵少藉曾為外援不從曾復帥流亡二

千餘人圍襄陽數日不克而還王敦嬖人吳興錢鳳

疾陶侃之功屢毀之

嬖卑義翻又博計翻

侃將還江陵欲詣敦自

陳朱伺及安定皇甫方回諫曰公入必不出侃不從既至敦留侃不遣左轉廣州刺史以其從弟丞相軍諮祭

酒廩為荊州刺史

從才用翻廩逸職翻又羊至翻

荊州將吏鄭攀馬雋

等詣敦上書留侃敦怒不許攀等以侃始滅大賊而更

被黜

謂滅杜強也

衆情憤惋

惋烏貫翻

又以廩忌戾難事遂帥其

徒三千人屯湏口

水經註湏水出蔡陽縣東南過隨縣又南過江夏安陸縣又東南分為二

水西入于沔者謂之湏口湏音云

西迎杜曾廩為攀等所襲犇于江安

江安縣屬南平郡武帝太康元年分孱陵置

杜曾與攀等北迎第五猗以拒

廩廩督諸軍討曾復為曾所敗敦意攀承侃風旨被甲

持矛將殺侃出而復還者數四

敗補邁翻被皮義翻復扶又翻

侃正色

曰使君雄斷當裁天下

斷丁  
亂翻

何此不決乎因起如廁諮

議參軍梅陶長史陳頌言於敦曰周訪與侃親姻如左

右手

訪與侃結友以女妻侃子瞻

安有斷人左手而右手不應者乎

斷丁  
管翻

敦意解乃設盛饌以餞之

饌雖戀翻  
又雖皖翻

侃便夜發敦

引其子瞻為參軍初交州刺史顧祕卒州人以祕子壽

領州事帳下督梁碩起兵攻壽殺之碩遂專制交州王

機自以盜據廣州

見上卷懷帝  
永嘉六年

恐王敦討之更求交州

會杜弘詣機降

杜弘杜弢將也  
走降機降戶江翻下同

敦欲因機以討

碩乃以降杜弘為機功轉交州刺史機至鬱林

鬱林郡桂林郡

地漢武帝平南越更置鬱林郡唐潯州桂平縣古鬱林郡所治布山縣地也

碩迎前刺史修

則子湛行州事以拒之機不得進乃更與杜弘及廣州

將溫邵交州秀才劉沈謀復還據廣州陶侃至始興

吳孫

皓甘露元年分桂陽南部都尉立始興郡治漢曲江縣唐為韶州沈持林翻

州人皆言宜觀

察形勢不可輕進侃不聽直至廣州

廣州治南海郡番禺縣

諸郡

縣皆已迎機矣杜弘遣使偽降侃知其謀進擊弘破之

遂執劉沈於小桂

秦置桂林郡漢武帝改曰鬱林郡治布山桂林為縣屬焉吳孫皓鳳凰三

年分立桂林郡因謂桂林為小桂陶弘景曰始興桂陽縣即是小桂遣督護許高討王機

走之機病死於道高掘其尸斬之諸將皆請乘勝擊溫

邵侃笑曰吾威名已著何事遣兵但一函紙自定耳乃

下書諭之邵懼而走追獲於始興杜弘詣王敦降廣州

遂平侃在廣州無事輒朝運百甕於齋外甕蒲歷翻暮

運於齋內人問其故荅曰吾方致力中原過爾優逸恐

不堪事故自勞耳王敦以杜弘為將寵任之九月漢

主聰使大鴻臚賜石勒弓矢策命勒為陝東伯陝失得

專征伐拜刺史將軍守宰封列侯歲盡集上

上時掌翻集其所授

官爵及其人之姓名而上之

漢大司馬曜冠北地詔以麴允為大

都督驃騎將軍以禦之

驃匹妙翻騎奇寄翻

冬十月以索綝為尚

書僕射都督宮城諸軍事曜進拔馮翊太守梁肅犇萬

年

秦標陽縣漢高祖改曰萬年屬馮翊晉屬京兆

曜轉冠上郡麴允去黃白城

軍于靈武

漢北地郡之靈武縣也

以兵弱不敢進帝屢徵兵於丞

相保保左右皆曰蝮蛇螫手壯士斷腕

漢書齊王曰蝮螫手則斬手蓋

以為不如此則流毒於一身至於死也螫音釋斷丁管翻下同腕烏貫翻

今劉曜方盛且宜



斷隴道以觀其變從事中郎裴詵曰今虵已螫頭頭可  
斷乎保乃以鎮軍將軍胡崧行前鋒都督須諸軍集乃  
發麴允欲奉帝往就保索綝曰保得天子必逞其私志  
乃止於是自長安以西不復貢奉朝廷

復扶又翻

百官饑乏

採稻以自存

稻音呂禾自生曰稻

涼州軍士張冰得璽文曰皇

帝行璽獻於張寔僚屬皆賀寔曰是非人臣所得留遣

使歸于長安

晉諸征鎮能知君臣之分者張氏父子而已璽斯氏翻

四年春正月

司徒梁芬議追尊吳王晏石僕射索綝等引魏明帝詔

以為不可

魏明帝詔見七十  
一卷太和三年

乃贈太保謚曰孝

考異  
日本傳

晏謚敬王今  
從愍帝紀

漢中常侍王沈宣懷中宮僕射郭琦等

沈持  
林翻皆寵幸用事漢主聰游宴後宮或三日不醒或百

日不出自去冬不視朝政事一委相國掣唯殺生除拜  
乃使沈等入白之沈等多不白而自以其私意決之故  
勲舊或不叙而姦佞小人有數日至二千石者軍旅歲  
起將士無錢帛之賞而後宮之家賜及僮僕動至數千  
萬沈等車服第舍踰於諸王子弟中表為守令者三十

餘人皆貪殘為民害

謂他姓與沈等子弟有中表親者沈持林翻守式又翻

斬準

閔宗詔事之郭猗與準皆有怨於太弟義猗謂相國

曰殿下光文帝之世孫主上之嫡子四海莫不屬心

屬之

欲翻奈何欲以天下與太弟乎且臣聞太弟與大將軍謀

因三月上巳大宴作亂事成許以主上為太上皇大將

軍為皇太子又許衛軍為大單于

聰以子驥為大將軍子勣為衛大將軍皆

繫弟也又按時以子數為大將軍數卒後乃以驥為之

三王處不疑之地

處昌呂翻並

握重兵以此舉事無不成者然三王貪一時之利不顧

父兄事成之後主上豈有全理殿下兄弟固不待言東

宮相國單于當在武陵兄弟何肯與人也

武陵兄弟當是父之諸子

相息亮翻

單音蟬 今禍期甚迫宜早圖之臣屢言於主上主上

篤於友愛以臣刀鋸之餘終不之信願殿下勿泄密表

其狀殿下儻不信臣可召大將軍從事中郎王皮衛軍

司馬劉惔假之恩意許其歸首

首式救翻

以問之必可知也

粲許之猗密謂皮惔曰二王逆狀主上及相國具知之矣卿同之乎二人驚曰無之猗曰茲事已決吾憐卿親

舊并見族耳因歔歔流涕

歔音虛歔許  
既翻又音希

二人大懼叩頭

求哀猗曰吾為卿計卿能用之乎相國問卿卿但云有

之若責卿不先啓卿即云臣誠負死罪然仰惟主上寬

仁殿下敦睦苟言不見信則陷於誣譖不測之誅故不

敢言也皮惇許諾粲召問之二人至不同時而其辭若

一粲以為信然靳準復說粲曰殿下宜自居東宮

時又居東

宮復扶  
又翻

以領相國使天下早有所繫今道路之言皆云

大將軍衛將軍欲奉太弟為變期以季春若使太弟得

天下殿下無容足之地矣粲曰為之奈何準曰人告太弟為變主上必不信宜緩東宮之禁使賓客得往來太弟雅好待士好呼到翻必不以此為嫌輕薄小人不能無迎合太弟之意為之謀者然後下官為殿下露表其罪為于

偽翻殿下收其賓客與太弟交通者考問之獄辭既具則

主上無不信之理也粲乃令卜抽引兵去東宮去年聰令卜抽

將兵監守東宮少府陳休左衛將軍卜崇為人清直素惡沈等

惡鳥路翻下同雖在公座未嘗與語沈等深疾之侍中卜幹謂

休崇曰王洸等勢力足以回天地卿輩自料親賢孰與

竇武陳蕃

言陳蕃之賢竇武之親且為宦官所困况休崇等乎

休崇曰吾輩年踰

五十職位已崇唯欠一死耳死於忠義乃為得所安能

俛首伍眉以事閹豎乎

伍與低同音都黎翻

去矣卜公勿復有言

復扶又翻下同

二月漢主聰出臨上秋閣

殿之西閣也

命收陳休卜

崇及特進綦母達太中大夫公師或尚書王琰田歆大司農朱諧並誅之皆宦官所惡也卜幹泣諫曰陛下方側席求賢而一旦戮卿大夫七人皆國之忠良無乃不

可乎藉使休等有罪陛下不下之有司

下戶稼翻

暴明其狀

天下何從知之詔尚在臣所未敢宣露

卜幹為侍中詔經門下因留之

而諫願陛下熟思之因叩頭流血王沈叱幹曰卜侍中欲

拒詔乎聰拂衣而入免幹為庶人太宰河間王易

考異曰晉春

秋易作士通今從載記

大將軍勃海王敷御史大夫陳元達金紫

光祿大夫西河王延等皆詣闕表諫曰王沈等矯弄詔

旨欺誣日月內諂陛下外佞相國威權之重侔於人主

多樹姦黨毒流海內知休等忠臣為國盡節

偽為子恐發



其姦狀故巧為誣陷陛下不察遽加極刑痛徹天地

微救

列翻通也

賢愚傷懼今遺晉未殄巴蜀不賓石勒謀據趙魏

曹窺欲王全齊

窺魚力翻王于況翻

陛下心腹四支何處無患乃

復以沈等助亂誅巫咸戮扁鵲臣恐遂成膏肓之疾

馬融

曰巫咸殷巫也扁鵲古良醫也秦醫緩視晉侯曰疾不可為也居膏之上肓之下攻之不可達之不及藥不至

馬杜預曰心下為膏肓也徐曰肓音荒說文曰心下上也扁補典翻

後雖救之不可及

已請免沈等官付有司治罪

治直翻

聰以表示沈等笑曰

羣兒為元達所引遂成癡也沈等頓首泣曰臣等小人

過蒙陛下識拔得洒掃閤閣而王公朝士疾臣等如讐

又深恨陛下願以臣等膏鼎鑊

膏居號  
翻潤也

則朝廷自然雍

穆矣聰曰此等狂言常然卿何足恨乎聰問沈等於相

國榮榮盛稱沈等忠清聰悅封沈等為列侯太宰易又

詣闕上疏極諫聰大怒手壞其疏

壞音怪

三月易忿恚而

卒易素忠直陳元達倚之為援得盡諫諍及卒元達哭

之慟曰人之云亡邦國殄悴

詩大雅瞻卬之  
辭悴秦醉翻

吾既不復

能言安用默默苟生乎歸而自殺 初代王猗盧愛其

少子比延欲以為嗣使長子六修出居新平城而黜其

母

建興元年猗盧築新平城新平城唐謂之新城在朔州界少詩照翻長知兩翻

六修有駿馬

日行五百里猗盧奪之以與比延六修來朝

朝直

猗盧

使拜比延六修不從猗盧乃坐比延於其步輦

步輦不駕馬使

人執使人導從

從才用翻

出遊六修望見以為猗盧伏謁路

左至乃比延六修慙怒而去猗盧召之不至大怒帥衆

討之為六修所敗

帥讀曰率敗補邁翻

猗盧微服逃民間有賤婦

人識之遂為六修所弑拓拔普根先守外境聞難來赴

攻六修滅之

難旦翻

乃普根代立國中，大亂，新舊猜嫌迭相

誅滅。左將軍衛雄信義將軍箕澹

澹徒覽翻又徒盪翻

久佐猗盧

為衆所附，謀歸劉琨。乃言於衆曰：「聞舊人忌新人，悍戰

舊人，索頭部人也。新人，晉人及烏桓人也。悍侯肝翻又下罕翻。」

欲盡殺之，將奈何？晉人

及烏桓皆驚懼曰：「死生隨二將軍，乃與琨質子，遵帥晉

人及烏桓三萬家，馬牛羊十萬頭，歸于琨。」

質音致，帥讀曰率，下同。

琨大喜，親詣平城撫納之。琨兵由是復振。夏四月，普根

卒，其子始生、普根母惟氏立之。

惟氏猗也之妻。

張寔下令所

部吏民有能舉其過者賞以布帛羊米賊曹佐高昌隗

瑾曰

自漢以來公府方州郡國諸曹有掾有屬有左史前漢書西域傳車師國有高昌壁唐書曰高昌國

漢車師前王庭也後破高昌置西州觀此則河西張氏固嘗於高昌之地置郡縣至後魏時始為高昌國也隗

五罪

今明公為政事無巨細皆自決之或興師發令府

朝不知

府朝謂僚佐所集之處朝直遥翻

萬一違失謫無所分羣下畏

威受成而已如此雖賞之千金終不敢言也謂宜少損

聰明

少詩照翻

凡百政事皆延訪羣下使各盡所懷然後採

而行之則嘉言自至何必賞也寔悅從之增瑾位三等

寔遣將軍王該帥步騎五千入援長安且送諸郡貢計

貢土物也  
計計帳也

詔拜寔都督陝西諸軍事

陝失  
冉翻

以寔弟茂為

秦州刺史

石勒使石虎攻劉演于廩丘幽州刺史段

匹碑使其弟文鴛救之

碑丁  
奚翻

虎拔廩丘演犇文鴛軍虎

獲演弟啓以歸

寧州刺史王遜嚴猛喜誅殺

嘉許  
記翻

五

月平夷太守雷炤

懷帝永嘉五年遜表分犂犂朱提建寧立平夷郡即漢平夷縣二縣之地

邕孟康  
音驚

平樂太守董霸

平樂郡證以隋志蓋置於越巂郡之邛部川然不知誰所置也

洛樂音帥三千餘家叛降於成

帥讀曰率  
降戶江翻

六月丁巳朔

日有食之 秋七月漢大司馬曜圍北地太守麴昌

北晉

地郡領泥陽富平二縣耳

大都督麴允將步騎三萬救之曜遠城縱

火烟起蔽天使反問給允曰郡城已陷往無及也衆懼

而潰曜追敗允於礪石谷

間古覓翻敗補邁翻礪蒲官翻魏收地形志北地郡銅官

縣有石槃山

允奔還靈武曜遂取北地允性仁厚無威斷

斷丁亂翻

喜以爵位悅人

喜許記翻

新平太守竺恢始平太守楊像扶

風太守竺蕤安定太守焦嵩皆領征鎮杖節加侍中常

侍村塢主帥小者猶假銀青將軍之號

征鎮四征四鎮將軍號也銀青

將軍加將軍號而假以銀印青綬帥音所賴翻

然思不及下故諸將驕恣而士

卒離怨關中危亂允告急於焦嵩嵩素侮允曰須允困

當救之曜進至涇陽渭北諸城悉潰

涇陽縣前漢屬安定郡班志曰開頭

山在縣西禹貢涇水所出東北至陽陵入渭過郡三行千六十里此言曜至涇陽渭北諸城悉潰則其兵已在池陽陽陵二縣間言在涇水之陽非安定之涇陽縣也

曜獲建威將軍魯充散騎

常侍梁緯少府皇甫陽曜素聞充賢募生致之既見賜

之酒曰吾得子天下不足定也充曰身為晉將國家喪

敗不敢求生

緯子貴翻將子亮翻喪息浪翻

若蒙公恩速死為幸曜曰



義士也賜之劔令自殺梁緯妻辛氏美色曜召見將妻

之妻如

辛氏大哭曰妾夫已死義不獨生且一婦人而

事二夫明公又安用之曜曰貞女也亦聽自殺皆以禮

葬之漢主聰立故張后侍婢樊氏為上皇后三后之

外佩皇后璽綬者復有七人

璽斯氏翻綬音受復扶又翻下同據載記三后二靳

氏及劉氏樊氏為四孝異曰劉聰載記曰四后之外按時靳上皇后已死唯三后耳云四誤也

嬖寵

用事刑賞紊亂

嬖早義翻又傳計翻紊音問

大將軍數數涕泣切諫

數所聰怒曰汝欲乃公速死邪何以朝夕生來哭人數

憂憤發病卒河東平陽大蝗民流殍者什五六石勒遣

其將石越帥騎二萬屯并州招納流民

殍被表翻餓死於中野者曰殍

散而之他方者曰流時勒蓋遣越屯上黨招納并州統內也帥讀曰率騎奇計翻

民歸之者二

十萬戶聰遣使讓勒勒不受命潛與曹窺相結

窺魚力翻

八月漢大司馬曜逼長安

九月漢主宴羣臣於光極

殿引見太弟義

見賢通翻

義容貌憔悴鬚髮蒼然涕泣陳謝

聰亦為之慟哭

悴秦醉翻為于偽翻

乃縱酒極歡待之如初

焦

嵩竺恢宋哲皆引兵救長安散騎常侍華輯監京兆馮

胡弘農上洛四郡兵屯霸上

華戶化翻  
監古街翻

皆畏漢兵彊不

敢進相國保遣胡崧將兵入援擊漢大司馬曜於靈臺

破之

三輔黃圖周文王靈臺在長安西  
四十里高二丈周圍百二十步

崧恐國威復振

則麴索執盛

麴允索絀也  
索昔各翻

乃帥城西諸郡兵屯渭北不

進遂還槐里

槐里縣漢屬扶風  
晉屬始平郡

曜攻陷長安外城麴允索

絀退保小城以自固內外斷絕城中饑甚米斗直金二

兩人相食死者大半已逃不可制唯涼州義衆千人守

死不移

涼州義衆張軌  
父子所遣兵也

太倉有麴數十麴

麴必  
郢翻

麴允屑

之為粥以供帝既而亦盡冬十一月帝泣謂允曰今窮

厄如此外無救援當忍恥出降以活士民

降戶江因歎  
翻下同

曰誤我事者麴索二公也使侍中宗敞送降牋於曜考

異曰帝紀作宋  
故今從晉春秋索綝潛留敞使其子說曜曰今城中食

猶足支一年未易克也

說翰萬翻  
易以鼓翻

若許綝以儀同萬戶

郡公者請以城降曜斬而送之曰帝王之師以義行也

孤將兵十五年未嘗以詭計敗人

敗補  
邁翻

必窮兵極勢然

後取之今索綝所言如此天下之惡一也輒相為戮之

為子  
偽翻

若兵食審未盡者便可勉強固守

強其  
兩翻

如其糧竭

兵微亦宜早寤天命甲午宗敬至曜營乙未帝乘羊車

肉袒銜璧輿櫬出東門降

櫬初  
觀翻

羣臣號泣攀車執帝手

帝亦悲不自勝

號戶刀翻  
勝音升

御史中丞馮翊吉朗歎曰吾

智不能謀勇不能死何忍君臣相隨北面事劉曜乎乃

自殺曜焚櫬受璧使宗敬奉帝還宮丁酉遷帝及公卿

以下於其營辛丑送至平陽壬寅漢主聰臨光極殿帝

稽首於前

稽音  
啓

翹允伏地慟哭扶不能起聰怒囚之允

自殺聰以帝為光祿大夫封懷安侯以大司馬曜為假

黃鉞大都督督陝西諸軍事太宰封秦王大赦改元麟

嘉以麴允忠烈贈車騎將軍謚節愍侯

允則忠矣然猶在吾朝之後乎

以索綝不忠斬于都市

平陽都市也

尚書梁允侍中梁濬等

及諸郡守皆為曜所殺華輯奔南山

干寶論曰昔高祖宣皇帝以雄才碩量應時而起性

深阻有若城府而能寬綽以容納行數術以御物而

知人善采拔

言胷中有城府者多不能寬容任數於用術者多不能用人而宣帝能之也於

是百姓與能

謂天下皆推其能莫與爭也

大象始構

劉良曰象法也言晉之興

成大法從此始立也

世宗承基太祖繼業咸熙異圖用融前烈

謂內誅李豐夏侯玄外平母丘儉文欽諸葛誕

至于世祖遂享皇極

呂延濟曰享當

也皇極天子位也

仁以厚下儉以足用和不弛寬而能斷

斷丁亂翻掩唐虞之舊域班正朔於八荒

八荒謂八方之外戎荒之地

于時有天下無窮人之諺

呂尚曰言百姓盡富

雖太平未洽亦

足以明民樂其生矣

樂音洛

武皇既崩山陵未乾而變

難繼起宗子無維城之助

乾音干宗子謂八王師尹構難詩曰宗子維城

無具瞻之貴

詩曰赫赫師尹民具爾瞻

朝為伊周夕成桀跖

謂楊駿衛

璿張華等

國政迭移於亂人禁兵外散於四方方岳無鎮

石之鎮關門無結草之固

三十斤為鈞四鈞為石左傳秦伐晉晉魏顆敗秦師

獲杜曰穎夢老人結草以亢杜回杜回躓而顛故獲之

土宇淪陷二帝失尊何

哉樹立失權託付非才四維不張而苟且之政多也

賈誼策曰禮義廉恥是謂四維四維不張國乃滅亡

夫基廣則難傾根深則難

拔理節則不亂膠結則不遷

李周翰曰理節謂政教有條理節度也膠固也

言君布仁惠之根基深廣又不失理節則人心固結而不可遷也

昔之有天下者所



以能長久用此道也周自后稷愛民十六王而武始

君之

后稷子不窋不窋子鞠鞠子公劉公劉子慶節慶節子皇僕皇僕子差弗差弗子毀隄毀隄子

公非公非子高圉高圉子亞圉亞圉子公叔祖類公叔祖類子古公亶父古公亶父子季歷季歷子文王文王子武王

九十六王

其積基樹本如此其固今晉之興也其

創基立本固異於先代矣加以朝寡純德之人鄉之

不貳之老

周官有鄉老不貳謂不貳過者朝直還翻

風俗淫僻恥尚失所

言所恥者非所恥所尚者非所尚也

學者以莊老為宗而黜六經談者

以虛蕩為辯而賤名檢行身者以放濁為通而狹節

信進仕者以苟得為貴而鄙居正當官者以望空為高

而笑勤恪

呂延濟曰望空謂不識是非但望空署名而已

是以劉頌屢言治

道傳咸每糾邪正

頌咸事並見武紀惠紀治直吏翻

皆謂之俗吏其

倚杖虛曠依阿無心者皆名重海內若夫文王日昃

不暇食仲山甫夙夜匪懈者蓋共嗤黜以為灰塵矣

文王自朝至于日中昃不遑暇食用咸和萬民仲山甫夙夜匪懈以事一人

由是毀譽亂

於善惡之實情慝辨於貨欲之塗選者為人擇官官

者為身擇利

呂延濟曰言選者不復為官擇賢為官者但擇所利而趨譽音余為于偽翻

世族貴戚之子弟陵邁超越不拘資次悠悠風塵皆

奔競之士列官千百無讓賢之舉子真著崇讓而莫

之省

劉寔字子真崇讓論見八十二卷武帝太康十年省悉景翻

子雅制九班而

不得用

劉頌字子雅九班之制見同上

其婦女不知女工任情而動

有逆于舅姑有殺戮妾媵

二事皆賈父兄弗之罪也后為之倡

天下莫之非也禮法刑政于此大壞國之將亡本必

先顛其此之謂乎

左傳曰國將亡本必先顛而後枝葉從之

故觀阮籍之

行而覺禮教崩弛之所由

事見七十八卷魏元帝景元三年行下孟翻 察

庾純賈充之爭而見師尹之多僻

事見七十九卷武帝泰始七年八年

考平吳之功而知將帥之不讓思郭欽之謀而寤中

外之有釁

平吳爭功及郭欽疏並見八十一卷武帝太康元年

覽傅玄劉毅之

言而得百官之邪

傅玄劉毅武帝時為司隸前後糾核不避貴游因其所言而得百官

之邪扶傅咸之奏錢神之論而覩寵賂之彰

傅咸奏見八十

二卷惠帝元康四年錢神論見八十三卷元康九年

民風國勢既已如此雖以

中庸之才守文之主治之

劉良曰中庸謂守常平治世之才守文謂守常平治世

之主也治直之翻

猶懼致亂況我惠帝以放蕩之德臨之哉

懷帝承亂即位羈以彊臣愍帝犇播之後徒守虛名  
天下之勢既去非命世之雄材不能復取之矣

石勒圍樂平太守韓據于沾城

楊正衡曰沾丁念翻余按武帝泰始中分上黨

太原置樂平郡治沾縣沾縣漢屬上黨郡魏收地形志  
樂平縣有沾城師古曰沾音他兼翻載記誤作沾當讀

從類音據請救於劉琨琨新得拓跋猗盧之衆欲因其銳氣

以討勒箕澹衛雄諫曰

澹徒覽翻又徒濫翻

此雖晉民久淪異域

未習明公之恩信恐其難用不若且內收鮮卑之餘穀

拓跋鮮卑也

外抄諸番之牛羊

番謂劉石也抄禁交翻

閉關守險務農

息兵待其服化感義然後用之則功無不濟矣琨不從

悉發其衆命澹帥步騎二萬為前驅琨屯廣北為之聲

援廣牧縣漢屬朔方郡漢末省朔方置廣牧縣於石勒

陘南屬新興郡非廣牧縣故地也帥讀曰率

聞澹至將逆擊之或曰澹士馬精彊其鋒不可當不若

且引兵避之深溝高壘以挫其銳必獲萬全勒曰澹兵

雖衆遠來疲弊號令不齊何精彊之有今寇敵垂至何

可捨去大軍一動宜易中還

易以政翻

若澹乘我之退而逼

之顧逃潰不暇焉得深溝高壘乎

馬於虔翻

此自亡之道也

立斬言者以孔萇為前鋒都督令三軍後出者斬勒據險要設疑兵於山上前設二伏出輕騎與澹戰陽為不勝而走澹縱兵追之入伏中勒前後來擊澹軍大破之獲鎧馬萬計雄澹帥騎千餘犇代郡

帥讀曰率下同

韓據棄城

走并土震駭

十二月乙卯朔日有食之

考異曰帝紀天文志皆

誤作甲申朔宋志乙卯朔與長厯合今從之

司空長史李弘以并州降石

勒

劉琨為司空以弘為長史并州時治陽曲

劉琨進退失據不知所為段匹

碑遣信邀之已未琨帥眾從飛狐犇薊

恒山在常山曲陽縣西北有

阪號飛狐口碑  
丁奚翻劉音計

匹碑見琨甚相親重與之結婚約為兄

弟勒分徙陽曲樂平民于襄國置守宰而還孔萇攻箕

澹于代郡殺之

據載記萇攻澹於桑乾則此代郡也

萇等

攻賊帥馬嚴馮睹

帥所類翻睹張如翻嚴

久而不克司

冀并究流民數萬戶在遼西迭相招引民不安業勒問

計於濮陽侯張賓賓曰嚴睹本非公之深仇流民皆有戀

本之志今班師振旅選良牧守使招懷之則幽冀之寇

可不日而清遼西流民將相帥而至矣勒乃召萇等歸



以武遂令李回為易北督護兼高陽太守

武遂縣前漢屬河間國後

漢晉屬安平國易北易水以北也高陽縣前漢屬涿郡後漢屬河間國武帝泰始元年分置高陽國應劭曰在

高河馬嚴士卒素服回威德多叛嚴歸之嚴懼而出走之陽

赴水死馮睹帥其衆降

帥讀曰率

回徙居易京

易京公孫瓚所築

流

民歸之者相繼於道勒喜封回為弋陽子增張賓邑千

戶進位前將軍賓固辭不受丞相睿聞長安不守

出師露次

露次者出宿于野上無屋宇

躬擐甲胄

擐音

移檄四方刻

日北征以漕運稽期斬督運令史淳于伯刑者以刀拭

柱血逆流上至柱末二丈餘而下

上時掌翻下同

觀者咸以為

冤丞相司直劉隗上言伯罪不至死請免從事中郎周

延等官於是右將軍王導等上疏引咎請解職睿曰政

刑失中皆吾闇塞所致

塞悉則翻

一無所問隗性剛計當時

名士多被彈劾

許居謁翻被皮義翻彈徒丹翻劾戶槩翻又戶得翻

睿率皆容貸

由是衆怨皆歸之南中郎將王含敦之兄也以族彊位

顯驕傲自恣一請參佐及守長至二十許人多非其才

守式又翻隗劾奏含文致甚苦

深文以致其罪

事雖被寢而王

氏深忌疾之

為王敦請誅  
劉琨張本

丞相睿以邵續為冀州刺

史續女壻廣平劉遐聚眾河濟之間

禮子  
禮翻

睿以遐為平

原內史托跋普根之子又卒


托與拓通魏收  
魏書本作托跋

國人立

其從父鬱律

從才  
用翻

資治通鑑卷八十九



總校官庶吉士臣侍朝

校對官檢討臣王坦修

謄錄監生臣梅德